



C 40-4514

了翁之李公大藏多百
家書墨宝。刻於紫山
我微笑塔院庭中永
為學者不敢許過院內
當山三世鐵牛機譯



B 64853

敘高僧摘要

余刊布佛祖指南。法苑醒世。凡單傳
直指。幽明感應。歷歷備具。而高僧一
傳。譬如虛空體。非羣相。而不拒彼衆。
相發揮。奈傳有正有續。若梁若明。計
其四帙。俱以十欵分類。余訝之曰。有
依有傍。怎說絕倫。拘格拘例。那云獨

步。余惟前冊已經刻過者。不重錄外。
 今止分爲四卷。名曰摘要。第一。取道
 之高。堂堂坐斷千差路。卓卓分明絕
 去來。第二。取法之高。雖云綿密弗通
 風。古往今來。齟間隔。三。則取其品之
 高。轉處孤危。萬事休。隨緣得旨。復何
 求。羣生造化。乘斯力。一段靈光觸處。

周。四。則。取。其。化。之。高。日。月。照。臨。不。到。
 天。地。覆。載。不。著。劫。火。壞。時。彼。常。安。萬。
 象。泯。時。全。體。露。雖然。如。是。青。不。自。青。
 黄。不。自。黄。赤。不。自。赤。白。不。自。白。會。得。
 雲。收。月。皎。方。知。此。等。縱。橫。若。問。箇。中。
 同。與。別。余。則。應。以。雞。寒。上。樹。鴨。寒。下。
 水。蓋。看。經。先。具。看。經。眼。見。地。須。開。見。

地。胸。幾。人。麻。上。生。繩。想。況。又。將。繩。認。
作。蛇。是。爲。叙。

甲午歲菊月登高日無依
黃不自黃道人徐昌治覲周父謹題



叙

高僧無傳。傳高僧者。譬諸描畫虛空。
虛空本無諸相。而不礙諸相發揮。此
觀翁居士之所以自叙其由來也。集
亦多本矣。石門之僧寶。大藏之神僧。
濟川之五燈。雷菴之普燈。莫不各執
一見。以成一家之說。讀其書者。無從

得而是非之。蓋前人之取類也。精而詳。而立言也。一而正。惟精且一。而著書之道備矣。覲翁久歷法域。宗眼朗明。徹見古人垂手處於一傳焉。列而爲四。曰道。曰法。曰品。曰化。分而不雜。專而不混。而或者乃以私識度之。殊非覲翁所以辨别。差等之懷。予謂集

僧史者如轉摩尼以青黃赤白求之不可也外青黃白求之亦不可孔子刪詩定禮各爲一書以便後學學者從而宗之爲千古聖典惟覲翁能體其意肆筆垂慈功不在尼山下彼以管見窺覲翁者非惟不識覲翁亦且不識高僧矣間有進言者曰古往今

來如是之久也。神化玄悟。如是之多也。法海義波。如是之泓也。而造論載事者。如是之衆也。竟欲以區區數百紙。括盡玄微。毋乃示人以狹小乎。觀翁曰。吾但摘其要者。

住古寥昭慶丈室僧鑑拜撰



道高僧摘要卷一

至尊者道萬象光儀可瞻可仰爲鑑爲龜歷千百世而令名弗移一道同風也述相維

○攝摩騰雒陽白馬

東漢永平

○道寵

鄴丁

魏永平

○寶唱

楊都莊嚴齊建武

齊建武

○法建

益州五層魏

○慧恭

益州招提隋

○曇倫

京師莊嚴隋仁壽

○志超

汾州光嚴隋開皇

○道傑

蒲州棲嚴隋開皇

○玄奘

京師慈恩唐武德

唐武德

通鑑

卷一

○法融牛頭幽棲唐貞觀

○元珪嵩嶽閉居唐永淳

○神會洛京荷澤唐開元

○純陀京兆鎮國唐永泰

○慧忠唐大曆

○宗密圭峰唐會昌

○無業汾州開元唐長慶

○從諗趙州唐乾寧

○巖頭叡唐光化

○宣鑑潤州德山唐咸通

○雲門偃唐乾和△係雲門鼻祖贊寧不收傳內

○都覶居士唐光化

○元安豐州洛浦唐大中

○文悅雲峯宋熒寧

○可貞洪州翠嚴宋熒寧

○義青舒州授子梁乾化

○慧南黃龍宋熒寧

○宗杲臨安徑山南宋紹興

○守珣安吉何山南宋淳熙

○密印建康華藏南宋淳熙

道高僧摘要 卷一

○寶印 臨安徑山 宋淳熙

○彌光 泉州教忠 南宋

○道謙 建康府 南宋

○道樞 隨安靈隱 南宋

○善繼 天台薦福 元天曆

○真清 天台慈雲 明

○楚石琦 海鹽天明

○玉芝 海鹽資聖

○蓮池

雲棲名
林宏

明

○密雲悟 寧波天明

名法聚

明

○費隱容 徑山 明清

計四十二位道高僧

○破山明

蜀

明

道高僧摘要卷一

武原居士徐昌治覲周父編輯

釋攝摩騰本中國人。善解大小乘經。常遊化爲任。昔經往天竺附庸小國講金光明經。會敵國侵境。騰唯曰。經云能說此法爲地神所護。使所居安樂。今鋒鏑方始。曾是爲益乎。乃誓以忘身。躬往和勸。遂二國交歡。由是顯譽逮漢永平中。明皇帝夜夢金人飛空而至。乃大集羣臣。以占所夢。通人傅毅奉答。臣聞西域有神。其名曰佛。陛下所夢將必是乎。帝以爲然。卽遣郎中蔡愔博士。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

弟子秦景等使往天竺尋訪佛法。愔等干彼遇見摩騰。乃要還漢地。摩騰志弘通。不憚疲苦。冒涉流沙。至乎雒邑。明帝甚加賞接。于城西門外立精舍以處之。漢地有沙門之始也。

釋道寵姓張。俗名爲賓。高齊元魏之際。國學大儒。雄安生者。連邦所重。時有李範。張賓。齊毓。安席。才藝所措。莫不歸宗。後俱依安下爲嗣。年壯領徒千餘。至趙州元氏縣。堰角寺側。從寺索水。沙彌持與。問具幾塵方可飲之。素不內涉。岡然無對。乃以水澆面。賓大恧。謂徒屬曰。非

以爲水辱我。直顯佛法難思。吾今投心此道。宜各散。便於寺出家。聰明博大。卽具戒。遂入西山廣尋藏部。神用深拔。慨歎晚知。魏宣武帝崇尙佛法。天竺梵僧菩提留支。初翻十地。在紫極殿。勒那摩提在太極殿。各有禁衛。不許通言校。其所釋。恐有浮濫。始于永平元年至四年。方訖。及勘讐之。惟云有不二。不盡。那云定不二。不盡。一字爲異。通共驚美。寵詣留支。訪所深極。乃授十地曲教。三冬隨聞出疏。卽而開學。聲唱高曠。鄴下榮推時朝宰文雄。魏收。邢子才。楊休之等。昔經寵席。官學由成。自遺

世網形名靡寄相從來聽寵默識之於是同敦三大磬此一心悲慶相循遂以聞奏以德溢時命義在旌隆日賜黃金三兩匠成學士傳道千餘其中高者僧休法繼誕禮罕宜儒果等

釋寶唱姓岑吳郡人少懷恢敏勤田爲業至于傍求傭書取濟寓目蹠略便能強識年十八授僧祐律師而出家焉經律詰稟有聲宗嗣住莊嚴寺博採羣言酌其精理又惟開悟士俗要以通濟爲先乃從處士顧道曠呂僧智等習聽經史莊易會齊氏云季遭亂入東遠至閩

越討論舊業天監四年便還都下乃敕爲新安寺主帝以時會雲雷遠近清晏風雨調暢百穀年登上資三寶福被黔黎下敕令唱總撰集錄以擬時要或建福禳災或禮懺除障或饗接神鬼或祭祀龍王部類區分近將百卷八部神名以爲三卷包括幽奧詳畧古今故諸所祈求帝必親覽天監七年帝以法海浩瀚淺識難尋敕莊嚴僧旻于定林上寺續衆經要抄八十八卷又敕開善智藏續衆經理義號曰義林八十卷又敕建元僧朗注大般涅槃經七十二卷竝唱兼贊其功綸綜終始緝

成部奏及簡文之在春坊尤耽內教撰法寶聯璧二百餘卷令寶唱綴比區別其類遍略之流帝以佛法冲奧近識難通又敕唱詳叙佛理弘義號曰續法輪論合七十餘卷文撰法集一百三十卷上既親覽流通內外十四年敕安樂寺僧紹撰華林佛殿經目未愜帝旨又敕唱重撰遂敕掌華林園寶雲經藏搜求遺逸備造三卷以用供上又敕撰經律異相五十五卷飯聖僧法五卷帝又注大品經五十卷于時佛教隆盛無得稱焉自武帝應運時年三十有七在位四十九載深以太后早傾

常懷哀感歎曰雖有四海之尊無由得申因極故留心釋典以八部般若爲心良田是諸佛由生又卽除災滌累收採衆經躬述注解親臨法座講讀敷弘用此善因崇津靈識頻代二皇捨身爲僧給使每一捨時地爲之震相繼齋講不斷法輪爲太祖文皇帝鍾山竹澗建大愛敬寺經營雕麗奄若天宮周宇環繞千有餘僧四事供給中院正殿有栴檀像舉高丈八又于寺中龍淵別殿造金銅像舉高丈八躬申供養每入頂禮歎歎哽噎不能自勝預從左右無不下泣又爲獻太后於青溪西

岸建陽城門路東起大智度寺京師夾里爽塏通博朝市之中途川陸之顯要殿堂宏敞寶塔七層正殿亦造丈八金像以申追福五百諸尼四時講誦寺成之日帝顧謂羣后曰建斯兩寺奉福二皇用表罔極之情以達追遠之思而不能遣蓼莪之哀復于中宮起至敬殿景陽臺立七廟室設二皇座具備諸禮冠蘊奩篋舉目興慕晨昏如在衣服輕緩隨時代易新奇芳旨應時日薦所瞻仰内心崩潰如焚如灼又作聯珠五十首以明孝帝又以國務不獲朝夕侍食惟有朔望親奉饋奠而無

道。又制孝思賦廣統孝本。至于安上治民移風易俗度
越終古。無得而稱。故元帝云。伏尋我皇之爲孝也。四運
推移。不以榮枯遷。貿五德更用。不以貴賤革心。臨朝端
默。過隙之思彌軫。垂拱巖廊。風樹之悲逾切。潔齋宗廟。
虔事郊禋。言未發而涕零。容不改而傷慟。所謂終身之
憂者是也。蓋虞舜夏禹周文梁帝萬載論孝四人而已。
又以國學員限。隔于貴賤。乃更置五館。招引寒儒。故孔
釋二門。榮茂峙列。唱當斯世。頗奉璽書。預參翻譯。
釋法建。廣漢雒縣人。姓朱。誦經一千卷。仍多閑暇。遨遊

偶俗忽復閉門，則累日不出，無所食矣。唯聞誦經，然小聲吟諷，音不外徹。有人倚壁竊聽，臨響但聞壹壹溜溜似伏流之吐波。武陵王東下令弟規守益州，魏遣將軍尉遲、迥來代蜀。規既降，款城內大有名僧，皆被拘禁。至夜忽有光明，迥遣人尋光，乃見諸僧竝睡。唯法建端坐誦經，光從口出。迥聞自到建所，頂禮坐聽，至旦始休。迥問曰：「法師昨夜所誦名作何經？」答曰：「華嚴經下卷十卷。」迥曰：「何不從頭誦之？」答曰：「貧道誦次到此耳。」迥曰：「法師發心欲誦一藏，今始得千卷，迥欲誦得幾許？」答曰：「貧道發心欲誦一藏，今始得千卷。」

試之曰屈總誦一遍應不勞損耶建報曰讀誦經典沙門常事豈憚勞苦乃設高座令諸僧衆竝執本聰法建登座爲誦或似急流之注峻壑其吐納音句呼喻氣息或類清風之入高松聰明者纔聞餘音情疎意逸者空望塵躅七日七夜數已滿千猶故不止迴起謝曰弟子兵將不得久停請從此辭諸僧因竝釋散迴旣出歎息曰自如來滅度後阿難號爲總持豈能過此蜀中乃有如此人所以常保安樂奇哉奇哉建年八十終釋慧恭者益州成都人姓周氏周末廢佛法之時與同

寺惠遠結契勤學遠直詣長安聽採恭長往荆揚訪道遠於京師聽得阿毘曇論迦延拘舍地持成寔毘婆沙攝大乘還益州講授道俗欽重覲施盈積恭後從江左來還二人相遇欣懽共叙離別三十餘年同宿數夜語說言談遠如泉涌恭竟無所道遠問恭曰離別多時今得相見慶此歡會伊何可論但覺仁者無所說將無所得耶恭對曰爲性闇劣都無所解遠曰大無所解可不誦一部經乎恭答曰唯誦得觀世音經一卷遠厲色曰觀世音經小兒童子皆能誦之何煩大汝許人乎且仁

者童子出家與遠立誓望證道果豈復三十餘年唯誦一卷經如指許大是非闇鈍嬾墮所爲請與斷交願法師早去無增遠之煩惱也恭曰經卷雖小佛口所說遵敬者得無量福輕慢者得無量罪仰願暫息瞋心當爲法師誦一遍卽與長別遠大笑曰觀世音經是法華經普門品遠已講之數過百遍如何始欲閑人耳乎恭曰書云人能弘道非道弘人但至心聽佛語豈得以人棄法乃于庭前結壇壇中安高座繞壇數匝頂禮昇高座遠不得已于簷下據大牀坐聽恭始發聲唱經題異香

氤氳遍滿房宇及入文天上作樂雨四種花經訖下座
舉樂方歇惠遠接足頂禮淚下交流謝曰惠遠髡穢死
屍敢行天日之下乞暫留賜見教誨恭曰非恭所能諸
佛力耳卽日拂衣長揖沿流而去不知所之

釋曇倫姓孫汎州俊儀人十三出家住修福寺依端禪
師端誠倫曰汝繫心鼻端可得靜也倫曰若見有心可
繫鼻端本來不見心相不知何所繫也咸怪其言嗟其
近學如何遠悟故在衆末禮悔之時隨卽入定大眾彈
指心恒加敬後送鉢上堂未至中路卓然入定持鉢不
傾師大深賞異時告曰令汝學坐先淨昏情猶如剃葱
一一重重剃卻然後得淨倫曰若見有葱可有剃削本
來無葱何所剃也師曰此大根大莖非吾所及不敢役
使進具已後讀經禮佛都所不爲但閉房不出行住坐
臥唯離念心以終其志次知直歲守護僧物約勒家人
曰犬有別食莫與僧粥家人以爲常事不用倫言犬乃
于前嘔出僧粥道俗咸伏其敬慎又有義學論士諍來
問者隨言卽遣無所呈礙仁壽二年獻后亾興造禪室
召而處之還卽掩關依舊習業時人目之爲臥倫也有

興善粲法師者三國諭首無學不長怪倫臥禪言問清遠遂入房與語探究是非倫笑曰隨意相審遂三日三夕法樂不眠倫述般若無底空華談水無依無主不立正邪本性清淨粲乃投地敬之倫在京師善巧方便有玄琬律師靜琳法師率門人僧伽淨等往來受法武德末年疾甚于莊嚴寺傍看寂然有問往生何處答無盡世界又便寂然僧伽以手尋其冷觸私報人曰冷觸到膝四大分離亦應生苦倫曰此苦亦空問曰捨報云何報曰死後遞條裹棄之莫作餘事又曰打五更鐘未報日未少時維那打鐘看之已絕年八十餘諸門學等依言送于南山露骸散于中野

釋志超姓田同州馮翊人少在童齡智量過人厭世從道而二親恃超望嗣宗族遂從儒流遍覽流畧年垂壯室私爲聘妻超聞之避斯塵染乃逃竄林野親姻周覓抑從伉儷初則合巹爲蹤終亦全掩私室唯置一牀超乃抽毡席地令妻坐上躬自處牀儼思伽坐勤爲說法詞極明據妻便流淚禮謝辭以相累頻經宵夕事等金形屢被訴勸誠逾玉質旣確乎難拔親乃捐而任之年

二十有七投并州開化寺慧瓊禪師出家受具自進戒品專修行儀卽往定州尋探律藏括其精要刪其繁雜五夏不滿三教畧圓乃返故鄉入太原之西北千山栖引英秀創立禪林曉夕勤修定慧雙啟大業初歲政綱嚴明擁結寺門不許僧出超聞之慨而上諫披衣舉錫出詣郡城乃達江都卽以事聞內史以事非要害不爲通引至隋季多難寇賊交橫民流溝壑死者大半而超結徒歡聚餘糧不窮但恐盜竊相陵便欲奔散乃以法誠勸無變爾情鏡業旣臨逃響何地衆感其言心期遂

爽准式禪禮課時無輶嘗夜坐禪忽有羣賊排門直進炬火亂舉白刃交臨合坐端然相同儀像賊乃投伏于地拜伏歸依超因隨宜誘引量權授法感發心敬合掌而退高祖建義太原四遠咸萃超惟道在生靈義居乘福卽率侶晉陽住凝定寺禪學數百清肅成規道俗欽承貴賤恭仰及皇旗南指三輔無塵義寧二年超卒于第二十餘人奉慶京邑武皇夙承嘉望待之若仙引登太極叙之殊禮左僕射魏國公裴寂第中別院置僧住所邀延衆居亟歷寒暑業新彌厲時藍田山化感寺沙

門靈潤智信智光等義解鉤玄妙崇心學同氣相求延住彼山揖緣聚結其赴如雲武德五年入于介山創聚禪侶觀者至止陶鑄塵心又于汾州介休縣治立光嚴寺赫然宏壯有類神宮師資肅穆忽因遘疾以貞觀十五年三月十五日卒于城寺春秋七十有一

釋道傑姓楊其先弘農漢太尉震之後也居河東安邑之鳴條天懷穎發廓然物表以宿植德本情嚴俗塵開皇十一年歲將寇投真營法師營鑒其高拔卽爲剃落受其令學涅槃等經性淨修明聞持鏡曉後往峴頭山

誦法華經月便度深自惟曰經云寧願少聞多解義味欲得通要必俟博遊開皇十四年徃青州何記論師所聽採成實記顧曰吾子形貌傀偉清對有方學淺而思遠吾論其興矣無幾而記遷化遂爾周流齊土時有裴寂安藝並號哲人從之受道又徃滄冀魏念二論師所聽此疊論又于清河道尙汲郡洪該所聽成實始末四載傾窮五聚乃上下搜求以問法主每令該公延頸長息嘗定該義曰論云唯一苦受而有三差此文非謂以一行苦名爲苦受而隨情說三受正以於一苦受而隨

情說三受。此是經部師計而跋摩述以爲宗可不爾耶。
該曰然。傑曰若使果起酬因說苦受爲樂受亦可因成
因果說惡業爲善業若言善業感樂果善業非惡業亦
可樂受酬善因樂受非苦受若言樂受酬善因而體卽
苦受亦可善業感樂果而體卽惡業若言唯是一苦受
隨情說妄樂亦可唯是一惡業隨情說妄善該于時茫
然後乃曰此子有拔羣之亮難與言也吾老矣弘興論
道其在子乎由是門人胥伏開皇十九年自衛適鄴聽
林法師攝論又於洪律師所聽四分東行屬隋漢王召
滄州志念河聞法楞長弘并部忽遇斯際卽徃從之聽
仰迦延讀婆沙論首尾三載頗極窮通曾難念論師曰
若觸空非觸入處者亦應識非分是觸入處于時念公但含笑
是識住處者亦應觸非分是觸入處若以識非分
直視仁壽二年又依楞法師聽十地等論爾時法門大
敵宗師雲結智景大論十力抨乘兩達涅槃舜龕律部
一期總萃并晉中興乃歷遊講肆觀略同異凡經六載
咸陳難擊故并州語曰大頭傑難人殺文帝崩晉陽逆
節便還故里講呵叱曇心又講地持各五六遍自惟曰

情說三受此是經部師計而跋摩述以爲宗可不爾耶
該曰然傑曰若使果起酬因說苦受爲樂受亦可因成
感果說惡業爲善業若言善業感樂果善業非惡業亦
可樂受酬善因樂受非苦受若言樂受酬善因而體卽
苦受亦可善業感樂果而體卽惡業若言唯是一苦受
隨情說妄樂亦可唯是一惡業隨情說妄善該于時茫
然後乃曰此子有拔羣之亮難與言也吾老矣弘興論
道其在乎由是門人胥伏開皇十九年自衛適鄴聽
林法師攝論又於洪律師所聽四分東行屬隋漢王召

道高僧傳要 卷一

三

徒事言說心路蒼茫至于起慧非定不發遂停講往麻
谷依真慧禪師學坐思擇念慧深入緣起慧歎曰常謂
法師等一從名教難偃亂流如何始習便能住想豈非
宿習所致耶後依成寔安般念處兩夕專想觀解大明
便謂神素法師曰昨試依論文安般念觀境界極明而
氣逼上心坐不安席欲除此患終須教遣請撰諸經安
般同異編爲次第將依遺滯素乃取婆沙成實龍樹蘭
若諸部明十六特勝六種安般之相以示之卽依修習
更逾明淨又徃麻谷以呈所證慧曰善哉大利根淋落

泉中諸學坐未至此處。武德元年。請弘十地。傑笑曰。息
駕修禪。但名自利已法。講揚法化。誠爲利他。至于俱利。
須當晝語夜默。庶得小大通洽。遂卽弘敷三十餘遍。常
隨門學百有餘人。堪外化者數盈二千。擇交選士。疎財
薄食。苦樂不言。喜慍無撓。栖巖一衆。舉爲僧主。以貞觀
元年七月二十八日因疾卒山。

三

達于王歎美勝度神恩清遠童子王聞欣得面歎遣使請見宛若舊遊言議接對又經晦朔于時異術雲聚言辯纏交邪徒草靡王加崇重初開信門請問諸佛何所功德獎讚如來三身利物因造三身論三百頌以贈之王曰未曾有也頂戴歸依此國東境接蜀西蠻其路兩月應達于時戒日王臣告曰東蕃童子王所有支那大乘天者道德弘被彼王所重請往致之大乘天者印度諸僧美獎之目也王遣使語拘摩羅王可送支那法師來共會祇羅國童子王命象軍一萬方船三萬與獎沂

宛伽河以赴戒日戒日與諸官屬百餘萬衆順河東下同集羯朱祇羅國初見頂禮鳴足盡敬散花設頌無量供已王曰彼支那國有秦王破障樂歌舞曲秦王何人致此歌咏奘曰卽今正國之天子也是大聖人撥亂反正恩霑六合故有斯詠王乃延入行宮陳諸供養乃述制惡見論顧謂門師曰日光旣出螢燭奪明師所寶者他皆破訖試救取看小乘諸僧無敢言者王曰此論雖好然未廣聞欲于曲女城大會命五印度能言之士對衆顯之使邪從正捨小就大是日發敕普告天下總集

沙門婆羅門。一切異道會曲女城。能論義者數千人。各擅雄辯。咸稱克敵。先立行殿。各容千人。安像陳供。香花音樂。請奘昇座。卽標舉論宗。命衆徵覈。竟十八日。無敢問者。王大嗟賞。施銀錢三萬。金錢一萬。上氈衣一百具。仍令大臣執獎。袈裟。廡衆唱言。支那法師論勝。十八日來無敢問者。竝宜知之。于時僧衆大悅。曰。佛法重興。乃令邊人權智若此。便辭東歸。王重請住觀七十五日。大施場相事訖。辭還。王敕所部。遞送出境。并施青象。金銀錢。各數萬。戒日。拘摩羅等。十八大國王。流淚執別。奘便

辭而不受。又敕令諸屬國。隨到供給。諸僧勸受。象施皆曰斯勝相也。佛滅度來。王雖崇敬。種種布施。未聞以象用。及釋門象爲國寶。今旣見惠。信之極矣。因卽納象。而反錢。寶然其象也。其形圓大。高可丈三。長二丈許。上容八人。并諸什物。經像等具。竝在其上。空行。雖逢奔逸。而安穩不墜。瓶水不側。緣國北旋。出印度境。入卑利國山川。相半。沃壤豐熟。僧徒數萬。竝學大乘。東北山行。過諸城邑。上大雪山。及至其頂。諸山竝下。又上三日。達最高嶺。南北通望。但見橫山。各有九重。過斯已往。皆是平地。

雖有小山孤斷不續。唯斯一嶺蔓延高遠。瞻部一洲。山叢斯地。至如西境波斯。平川渺漫。東尋鬼嶺。莫有窮蹤。北則橫野蕭條。南則印度阜衍。卽經所謂香山。達池幽邃。未可尋源。四河所從。皆由斯出。爾雅所謂崑崙之墟也。案諸禹貢。河出磧石。張騫尋之。乃遊大夏。固是超步所經。猶不言其發源之始。奘引從前後自勒行衆。沿領而下。三日至地。達覩貨羅諸故都邑。山行八百路。極艱險寒風。切骨到于活國。中途所經。皆屬北邊。而此王者。突厥之胤。統管諸番。總御鐵門。以南諸小國。自此境東。

方入葱嶺嶺據瞻部洲中南接雪山北至熱海東漸烏
鐵西極波斯縱廣結固各數千里冬夏積雪冰嚴崖
巒過半已下多出山葱故因名焉

釋法融住幽樓北巖之石室。有百鳥啣花之異。唐貞觀
四祖遙觀氣象知彼山有異人乃躬自尋訪見融端坐
自若曾無所顧。祖曰道信禪師貧道是也。師曰因何降
此。祖曰特來相訪莫更有宴息之處否。師指後面曰別
有小菴。遂引祖至菴所。達菴唯見虎狼之類。祖乃舉兩
手作怖勢。師曰猶有這箇在。祖于宴坐石上書一佛字

師覩之。悚然。祖曰。猶有這個在。師稽首請說真要。祖曰。
夫百千法門同歸方寸。河沙妙德總在心源。一切戒門
定門。慧門。神通變化。悉自具足。不離汝心。一切煩惱業
障。本來空寂。一切因果。皆如夢幻。無三界可出。無菩提
可求。人與非人。性相平等。大道虛曠。絕思絕慮。如是之
法。汝今已得。更無缺少。與佛何殊。汝但任心自在。莫作
觀行。亦莫澄心。莫起貪嗔。莫懷愁慮。蕩蕩無碍。任意縱
橫。不作諸善。不作諸惡。行住坐臥。觸目遇緣。總是佛之
妙用。師曰。既不許作觀行。於境起時。心如何對治。祖曰。

境緣無好醜。好醜起于心。心若不強名妄情。從何起妄情。既不起真心。任偏知汝。但隨心自在。無復對治。卽名常住法身。

釋元珪姓李伊闢人也稟氣英奇寬裕閑雅乃誓出家於永淳二年遂登滿足乃隸名閑居寺以習毗尼執律唯堅後悟少林寺禪宗大通心要遂卜廬于嶽中龐塲時有峩冠袴褶部曲繁多輕步舒徐稱謁大師珪覩其貌偉精爽不倫謂之曰善來仁者胡爲而至曰師寧識我邪珪曰吾觀佛與衆生等吾一目之豈分別識也對

曰我此獄神也吾能利害生死於人師安得一目我哉
 珪曰汝能生死于人吾本不生汝焉能死吾視身與空
 等視吾與汝等汝能壞空與汝乎苟能壞空及壞汝吾
 則不生不滅也汝尙不能如是又焉能生死吾耶獄神
 稽首再拜願授正戒珪曰神旣乞戒卽旣戒也所以者
 何戒外無戒又何戒哉神曰此理也我聞茫昧止求師
 戒我身爲門弟子珪曰付汝五戒汝能奉持卽曰能不
 能卽曰否神曰洗耳傾聽珪曰汝能不婬乎神曰亦娶
 也曰非謂此也謂無羅欲也神曰能曰汝能不盜乎神

曰何乏我也焉有益取哉曰非謂此也謂饗而福滯不
 供而禍善也神曰能曰汝能不殺乎神曰政柄在躬焉
 曰不殺曰非謂此也謂有濫誤混疑也神曰能曰汝能
 不妄乎神曰我本正直焉得有妄曰非此謂也謂先後
 不合天心也神曰能曰汝能不遭酒敗乎神曰力能珪
 曰如上是爲佛戒也又言以有心奉持而無心拘執以
 有心爲物而無心想身能如是則先天地生不爲精後
 天地死不爲老終日變化而不爲動畢盡寂默而不爲
 休悟此則雖娶非妻也雖饗非取也雖柄非權也雖作

非故也。雖醉非惛也。若能無心於萬物。則羅欲不爲。福
福。姻禍。善不爲。盜濫誤混。疑不爲。殺先後違天。不爲。唉。
惛。荒。顛。倒。不爲。醉。是謂無心也。無心。則無戒。無戒。則無。
心。無佛。無衆。生無汝。及無我。無我。無汝。孰能戒哉。神曰。
我誠淺昧。未聞空義。願師授我戒。我當奉行。更何業。因
可拘塵界。我願報慈德。勉我所能。珪曰。吾觀身無物。更
有何欲。神曰。師必命我。珪曰。無爲是。無爲是。神曰。佛亦
使神護法。師叛佛邪。隨意垂誨。珪不得已。言曰。東巖寺
之障也。莽然無樹。北岫有之。而背非屏擁。汝能移北樹

於東嶺乎。神曰。聞命矣。昏夜風雷擺搖震運。願師無駭。
卽作禮辭去。其夕果有暴風吼雷。奔雲霆電。隆棟壯宇。
岌礪將圮。物不安所。乃謂衆僧曰。無怖無怖。神與我契
矣。詰旦和霽。則北巖松栝盡移東嶺。森然行植焉。
釋子鄰。姓范。兗州乾封大范村人。父峻。朝不喜三寶。或
見沙門。必加咄唾。鄰生已數歲。見著袈裟者。則生慕美。
開元初。東都廣愛寺慶修律師。經范氏之舍。鄰一見之。
喜貫顏色。拜求出家。問曰。父母云何。對曰。師但先去。某
乃影隨律師行五里間。鄰已至矣。及洛寺染削。至十一

年忽思二親辭歸寧觀其父喪明母終已三載矣因詣
獄廟求知母之幽趣卽敷坐具誦法華經誓見天齊王
爲期其夜獄神果召鄰問何故怨苦如是鄰曰母王氏
亾來已經除服敢問大王母今何在王顧簿吏對曰王
氏見繫獄受苦鄰曰我母何罪王曰生和尚時食鷄卯
文取白傅頭瘡坐是之故職汝之由鄰悲號委頓求王
請免曰繫縻有分放釋無門然則爲法師計請往鄆山
禮阿育王塔或可原也鄰詰朝遵途到句章山寺叩頭
哀訴五輪著地禮畢投策至四萬數俄聞有呼鄰聲望

見雲氣中母謝曰承汝之力得生忉利天矣故來報汝
倏然不見

釋神會姓高襄陽人也年方幼學厥性惇明從師傳授
五經克通幽牘次尋莊老靈府廓然覽後漢書知浮圖
之說由是於釋教留神無仕進意辭親投本府國昌寺
願元法師出家諷誦羣經易同反掌全大律儀匪貪講
貫聞嶺表曹溪慧能禪師盛揚法道舉足以見能問曰
從何所來答曰無所從來能曰汝不歸去答曰一無所
歸能曰汝太茫茫答曰身緣在路能曰由自未到答曰

今已得到且無滯留居曹溪數載後徧尋名跡開元八年敕住南陽龍興寺續於洛陽大行禪法聲彩發揮先是兩京之間皆宗神秀見會明心六祖之風蕩其漸修之道南北二宗時始判焉十四年范陽安祿山舉兵內向兩京版蕩駕幸巴蜀副元帥郭子儀率兵平殄然於飛輓索然用右僕射裴冕權計大府各置戒壇度僧聚香水錢以助軍須初洛都先陷會越在草莽時盧奕爲賊所戮羣議乃請會至其壇度于時寺宇官觀鞠爲灰燼乃權創一院悉資苦益而中築方壇所獲財帛頓支

軍費代宗郭子儀收復兩京會之濟用頗有力焉肅宗皇帝詔入內供養敕大匠爲造禪宇于荷澤寺中釋純陀者本西域人從遊京邑人所欽重上元中便云東渡人見之顏容若童稚之色年已六百歲矣言談氣壯舉動不衰代宗皇帝聞之詔入禮遇極豐俾求留年之道陀曰心神好靜今爲塵境汨之何從冥寂乎若離簡靜外欲望留年如登木采芙蓉其可得乎陛下欲長年由簡潔安神神安則壽永寡慾則身安術斯已往貧道所不知也帝由是篤重之以永泰三年預知必逝遣

弟子賚衣鉢進上。帝賜弟子紫衣咤。終於鎮國寺焉。
唐肅宗問慧忠禪師。如何是十身調御。師乃起立曰。會
麼。曰不會。師曰與老僧過淨瓶來。帝又問曰。如何是無
諍三昧。師曰檀越踢毗盧頂上行。帝曰此意如何。師曰
莫認自己清淨法身。帝又問。師都不視之。曰朕是大唐
天子。師何以殊不顧視。師曰還見虛空麼。帝曰見師曰
他還。眨目視陛下否。後涅槃時。至乃辭代宗。代宗曰。師
滅度後。將何所記。師曰造取一無縫塔。帝曰就師取塔。
樣師曰貧道去後。有侍者應真。郤知此事。乞詔問之。師

戒于襄州幽律師其四分律疏一夏肄習便能敷演兼爲僧衆講涅槃經法筵長開冬夏無倦後聞洪洲大寂禪門之上首特往瞻禮大寂一見異之業跪而言曰至如三乘文學粗窮其旨嘗聞禪門卽心是佛寔未能了大寂曰只未了底心卽是別物更無不了不了時卽是迷若了卽是悟迷卽衆生悟卽是佛道不離衆生豈別更有佛亦猶手作拳拳全手也業言下豁然開悟涕淚悲泣向大寂曰本謂佛道長遠勤苦曠劫方始得成今日始知法身寔相本自具足一切萬法從心所生但有

激發王武俊同破朱滔功多勢盛然好聞賢善雖千里外必持幣致之深重業名行旦夕瞻禮麾幢往來常有倦色謂門人曰吾本避上國浩穰名利今此又煩接君侯豈娛心哉言訖逍遙縣上抱腹山又往清涼山於金閣寺讀大藏經星八周天斯願方畢復振錫南下至于西河初止衆香佛刹州牧董叔纏請住開元精舍業謂弟子曰吾自至此不復有遊方之意豈吾緣在此邪於是撞鍾告衆作師子吼雨大法雨垂二十年并汾之人悉皆向化憲宗皇帝御宇十有四年素嚮德音乃下詔請入內辭疾不行明年再降綸旨稱疾如故穆宗皇帝卽位之年聖情虔虔思一瞻禮乃命兩街僧錄靈犀公遠賚敕旨迎請業笑曰行卽行矣道途有殊於是剃髮澡浴至中夜告弟子慧愔等曰汝等見聞覺知之性與太虛同壽不生不滅一切境界本自空寂無一法可得迷者不了卽爲境惑一爲境惑流轉不窮汝等常知心性本自有之非因造作猶如金剛不可破壞一切諸法如影如響無有實者故經云唯有一事實餘二則非真常了一切空無一物當情是諸佛同用心處汝等勤而

行之。言訖跏趺而坐。奄然歸寂。釋宗密大和中。徵入內。賜紫衣。帝累問法要。朝士歸慕。裴相國深入堂奧。受教爲外護師。以禪教學者。互相非毀。遂著禪源諸詮。一藏其序畧曰。禪是天竺之語。源是一切衆生本覺真性。亦名佛性。亦名心地。悟之名慧。修之名定。定慧通名爲禪。此性是禪之本源。故名禪源。忘情契之。是禪行。如談禪理。而不說禪行。是不辨華竺之音也。況此真性。非惟是禪門之源。亦是萬法之源。故名法性。亦是衆生迷悟之源。故名如來藏識。亦是諸佛萬

德之源。故名佛性。亦是菩薩萬行之源。故名心地。萬行不出六波羅密。禪者但是六中之一。當其第五。豈可都目真性爲一禪行哉。三乘人欲求聖道。必須修禪。離此無門。惟頓悟自心。本來清淨。元無煩惱。無漏智性。本自具足。此心卽佛。畢竟無異。依此而修者。是最上乘禪。亦名如來清淨禪。亦名一行三昧。亦名真如三昧。此是一切三昧根本。

釋宣鑒。簡州周氏子。早歲出家。依年受具。精究律藏。于性相諸經。貫通旨趣。嘗講金剛般若。時謂之周金剛。常

調同學曰。一毛吞海。海性無虧。纖芥投鋒。鋒利不動。學與無學。唯我知焉。後聞南方禪席頗盛。師氣不平。遂擔青龍疏鈔。至澧陽路上。見一婆子賣餅。因息肩買餅。點心。婆指擔云。這個是什麼文字。師曰。青龍疏鈔。婆曰。講何經。師曰。金剛經。婆曰。我有一問。汝若答得。施與點心。若答不得。且別處去。金剛經道。過去心不可得。現在心不可得。未來心不可得。未審上座。斂那個心。師無語。遂往龍潭。一夕侍立次。潭曰。更深何不下去。師珍重便出。郤曰。外面黑。潭點紙燭度與師。師擬接。潭復吹滅。師

于此大悟。便禮拜潭。曰。子見個甚麼。師曰。從今向去。更不疑天下老和尚舌頭也。至來日。龍潭陞座。謂衆曰。可中有个漢。牙如劍樹。口似血盆。一棒打不回頭。他時向孤峰頂上立。吾道去在。師將疏鈔堆法堂前。舉火炬。曰。窮諸玄。辨若一毫。置于太虛。竭世樞機。似一滴。投于巨壑。遂焚之。于是禮辭。

釋從諗。參南泉。值泉偃息而問。曰。近離甚處。師曰。瑞像。泉曰。還見瑞像。師曰。不見瑞像。祇見臥。如來。泉便起坐。深器之。許其入室。他日問泉曰。如何是道。泉曰。平常。

心是。師曰還可趨向也。無。泉曰擬向卽垂道不屬知。不屬不知。若真達不疑之道。猶如太虛廓然蕩豁。師于言下悟理。遂乃云。金佛不度爐。木佛不度火。泥佛不度水。二心不生。萬法無咎。千人萬人盡是覓佛漢子。于中覓二箇道人無。若與空王爲弟子。莫教心病最難醫。未有世界早有此性。世界壞時此性不懷。祇是個主人公更向外覓。作麼。一婆子請轉藏經。師却下牀轉一匝。曰轉藏經已竟。婆曰比來請轉全藏。如何祇爲轉半藏。一日師問新到僧。曾到此間麼。曰曾到。師曰喫茶去。又問僧。師問新到僧。曾到此間麼。曰曾到。師曰喫茶去。又問僧。

曰不曾到。師曰喫茶去。院主問曰。爲甚麼曾到。也云喫茶去。不曾到也。云喫茶去。師召院主。主應諾。師曰。喫茶去。又僧問萬法歸。一一歸何處。師曰。老僧在青州做得一領布衫。重七斤。僧問狗子還有佛性也。無。師曰。無。曰上至諸佛。下至螻蟻。皆有佛性。狗子爲恁麼。卻無。師曰。爲伊有業識在。師曰。大衆被十二時辰使。老僧使得十二時。

鄂州巖頭全齋禪師。泉州何氏子。少禮青原詒公落髮。往長安寶壽寺稟戒。習經律諸部。優遊禪苑。與雪峯欽

喚師去問汝不肯老僧那師密啟其意山乃休明日陞堂果與尋常不同師至僧堂前拊掌大笑曰且喜堂頭老漢會未後句他後天下人不奈伊何雖然也祇得三年活山三年後果示滅一日與雪峰欽山聚話峰驚指一榠水欽曰水清月現峰曰水清月不現師踢卻水碗而去師住鄂州巖頭值沙汰於湖邊作渡子兩岸各挂一板有人過渡打板一下師曰阿誰或曰要過那邊去師乃舞棹迎之一日因一婆抱一孩兒來乃曰呈橈舞棹卽不問且道婆手中兒甚處得來師便打婆曰婆生七子六

山爲友。自杭州大慈山遷遯造于臨濟。屬濟歸寂。乃謁
仰山。後參德山。執坐具上法堂。瞻視山曰。作麼。師便喝。
山曰。老僧過在甚麼處。師曰。兩重公案。乃下參堂。山曰。
這箇阿師。稍似箇行腳人。至來日上問訊。山曰。閻黎是。
昨日新到否。曰是。山曰。甚麼處學得這虛頭來。師曰。全
麤終不自謾。山曰。他後不得孤負老僧。雪峰在德山作
飯頭。一日飯遲。德山擎鉢下法堂。峰曬飯巾次見德山。
乃曰。鐘未鳴。鼓未響。拓鉢向甚麼處去。德山便歸方丈。

箇不遇知音祇這一箇也不消得便拋向水中。師後庵于洞庭臥龍山。徒侶臻萃曰吾嘗寃涅槃經七八年。覩三兩段義似衲僧說話。又曰休休時有一僧出禮拜請師舉。師曰吾教意如厓字三點。第一向東方下一撲。撲開諸菩薩眼。第二向西方下一撲。撲諸菩薩命根。第三向上方下一撲。撲諸菩薩頂。此是第一段義。又曰吾教意。如摩醯首羅肇。開面門。豎亞一隻眼。此是第二段義。又曰吾教意。猶如塗毒鼓擊一聲。遠近聞者皆喪。此是第三段義。夾山下一僧到石霜纔跨門。便道不審。霜曰。

不必閣黎。僧曰恁麼則珍重。又到師處。如前道不審。師噓一噓。僧曰恁麼則珍重。方回步。師曰雖是後生。亦能管帶。其僧歸舉似夾山。山上堂曰前日到巖頭石霜底。阿師出來如法舉似前話。其僧舉了。山曰大眾還會麼。衆無對。山曰若無人道得。山僧不惜兩莖眉毛道去也。乃曰石霜雖有殺人刀。且無活人劍。巖頭亦有殺人刀。亦有活人劍。師與羅山十塔基歇次。山禮拜問曰和尚豈不是三十年前在洞山而不肯。洞山師曰是。又曰和尚豈不是嗣德山。又不肯。德山師曰是。山曰不肯。德山

卽不問。祇如洞山有何虧闕。師良久曰。洞山好佛。祇是無光。山禮拜。師嘗謂衆曰。老漢去時。大吼一聲了去。唐光啟之後。中原盜起。衆皆避地。師端居宴如也。一日賊大至。責以無供饋。遂刎刃焉。師神色自若。大叫一聲而終。聲聞數十里。門人後焚之。獲舍利四十九粒。衆爲起塔。

韶州雲門山光奉院文偃禪師。嘉興人也。姓張氏。幼依空王寺志澄律師出家落髮。稟具於毗陵壇。侍澄數年。探窮律部。以已事未明。往參睦州。州纔見來。便閑卻門。

師乃扣門。州曰誰。師曰某甲。州曰作甚麼。師曰已事未明。乞師指示。州開門一見便閉。卻師如是連三日扣門。至第三日。州開門。師乃擺入。州便擒住。曰道道。師擬議。州便推出。曰秦時轂轢鑽。遂掩門。損師一足。師從此悟入。州指見雪峰。師到雪峰莊。見一僧。廻問上座。今日上山去那僧曰是。師曰寄一則因緣。問堂頭和尚。祇是不得道。是別人語。僧曰得。師曰上座到山中。見和尚上堂。衆纏集。便出。握腕立地。曰這老漢項上鐵枷。何不脫卻。其僧一依師教。雪峰見這僧與庶道。便下座。攔臂把住。

曰。速道速道。僧無對。峰拓開曰。不是汝語。僧曰。是某甲語。峰曰。侍者將繩棒來。僧曰。不是某語。是莊上一浙中上座教某甲來道。峰曰。大眾去莊上迎取五百人善知識來。師次日上雪峯。峯纔見便曰。因甚麼得到與麼地。師乃低頭。從茲契合。溫研積稔。密以宗印授焉。師出嶺。偏謁諸方。覈窮殊軌。鋒辯險絕。世所盛聞。後抵靈樹。冥符知聖禪師接首座之說。初知聖住靈樹二十年。不請首座。常云我首座生也。我首座牧牛也。我首座行腳也。一日令擊鐘。三門外接首座。衆出迓。師果至。直請入首

座。寮解包。後廣王命師出世。靈樹開堂。日王親臨。弟子請益。師曰。目前無異路。因問諸人。從上來有甚事。欠少甚麼。向你道無事。已是相埋沒也。雖然如是。也須到這田地。始得亦莫逃口快。亂問自己心裏。累漫漫地。明朝後日。大有事在。擬心卽差。況復有言有句。莫是不擬心。是麼。莫錯會好。更有甚麼。汝等諸人。見人道著祖意。便問超佛越祖之談。汝且喚甚麼。作佛喚甚麼。作祖。且說超佛越祖底道理。看。問箇出三界。汝把將三界來看。有甚麼。見聞覺知。隔礙著汝。有甚麼。聲塵色法。與汝可

了。了箇甚麼。古聖不奈何。橫身爲物。道箇舉體全真。事物覩體不可得。我向汝道。直下有甚麼事。早是相埋沒了也。光不透脫。有兩般病。一切處不明。面前有物。是一又透得一切法空。隱隱地似有箇物相似。亦是光不透脫。又法身亦有兩般病。得到法身爲法。執不忘。已見猶存。坐在法身邊。是一直饒透得法身去。放過卽不可。子細斃檢將來。有甚麼氣息。亦是病。師唱道。靈樹雲門。凡三十載。以乾和七年己酉四月十日順寂。塔全身於方丈後。十七載示夢阮紹莊奏請開塔奉敕迎請內庭供

養逾月方還。因謚大慈雲匡真弘明禪師。

居士都覥。問圓通曰。是法非思量分別之所能解。當如何湊泊。通曰。全身入火聚。覥曰。畢竟如何。曉會。通曰。驀直去。覥沉吟。通曰。可再喫茶。覥曰。不必。通曰。何不恁麼。會。覥遂契旨。曰。元來太近。通曰。十萬八千。覥占偈曰。不可思議是大火聚。便恁麼去。不離當處。通曰。喫。猶有這個在。覥乞再示。通曰。便恁麼去。鑄是鍊鑄。覥謝之。釋元安鳳翔麟遊人。少年出家。具戒。通經論。問道臨濟。濟常對衆美之。曰。臨濟門下一隻箭。誰敢當鋒。師蒙印

可自謂已足。一日辭濟。濟問甚處去。師曰南方去。濟以拄杖劃一劃曰。過得這個便去。師乃喝。濟便打。師作禮而去。濟明日陞堂曰。臨濟門下有個赤梢鯉魚搖頭擺尾向南方去。不知向誰家鑿龕裡淹殺。師遊歷罷。直往夾山卓菴。經年不訪夾山。山修書令僧馳往。師接便坐。卻再展手索僧。無對。師便打。曰歸去舉似和尚。僧回舉似。山曰。這僧若開書。三日內必來。若不開書。斯人救不得也。師果三日後至。見夾山不禮拜。乃當面叉手而立。山曰。鷄棲鳳巢。非其同類。出去。師曰。自遠趨風請師。一

接山曰。目前無閻黎。此間無老僧。師便喝。山曰。住住。且莫草草。雲月是同溪。山各異。截斷天下人舌頭。卽不無閻黎爭教。無舌人解語。師佇思。山便打。因茲服膺。釋文悅初造大愚。聞示衆曰。大家相聚喚莖。莖若喚作一莖。莖入地獄如箭射。師大駭。夜造方丈。愚問來何所求。師曰。求心法。愚曰。法輪未轉。食輪先轉。何不爲衆乞食。師不敢違。未幾愚移翠巖。師復過求指。愚曰。佛法未到爛卻雪寒。宜爲衆乞炭。師亦奉命。事竟復造方丈。愚曰。堂司缺人。今以煩汝。師受之不樂。恨愚不去。心坐後

架。桶。箍。忽。散。自。架。墮。落。師。忽。然。開。悟。愚。迎。笑。曰。維。那。且。喜。大。事。了。畢。師。再。拜。不。吐。一。詞。而。去。

釋可真叅慈明後。天下無可意者。善侍者知其未徹。笑之。一日山行。舉鋒論發善拈一片瓦礫。置盤石上。曰。若向這裏下得一轉語。許汝親見慈明。師擬對。善叱曰。佇思停機。情識未透。師愧悚。還石霜。慈明見來叱曰。本色行腳人有甚急。夏未了。蚤至此。師泣曰。被善兄毒心。終礙塞人。故來見明。遽問如何是佛法大意。師曰。無雲生嶺上。有月落波心。明喝曰。頭白齒豁。猶作這個見解。如何

脫離生死。師悚然求示。明曰。汝問我師理前話。問之。明震聲曰。無雲生嶺上有月落波心。師于言下大悟。

釋義青。青社李氏子。七齡頽異。往妙相寺出家。試經得度。習百法論。卽棄遊宗席。時圓鑑禪師居舍聖巖。師來鑑禮延之。令看外道問佛。不問有言。不問無言。因緣經三載。一日問曰。汝記得話頭麼。試舉看。師擬對。鑑掩其口。師了然開悟。遂禮拜鑑。曰。汝妙悟玄機耶。師曰。設有也。須吐。卻自此復經三年。鑑時出洞下。宗旨示之。悉皆妙契。付與太陽頂相皮履直裰。囑曰。代吾續其宗風。無

久滯此。善宜護持。遂書偈送曰。須彌立太虛。日月輔而轉。羣峯漸倚他。白雲方改變。少林風起叢。曹溪洞簾卷。金鳳宿龍巢。宸苔豈車碾。令依圓通秀。禪師師至彼。無所參問。唯嗜睡而已。執事白通曰。堂中有僧日睡當行規法通曰。是誰。曰青上座。通曰。未可待與。按過通卽拽杖入堂見師正睡。乃擊牀訶曰。我這裏無閑飯。與上座喫了打眠。師曰。和尚教某何爲。通曰。何不參禪去。師曰。美食不中飽。人吃通曰。爭奈大有人不肯上座。師曰。待肯堪作甚麼。通曰。上座曾見甚麼人來。師曰。浮山。通曰。

怪得恁麼頑。賴遂握手相笑。歸方丈。由是道風籍甚。梁乾化四年夏示寂。敕謚慈濟。

釋慧南依泐潭澄禪師分座接物名振諸方。偶同雲峯悅禪師遊西山。話及雲門法道。峯曰。澄公雖是雲門之後。法道異矣。南詰其所以異。峯曰。雲門如九轉丹砂點鍊成金。澄公藥汞銀徒可觀。入燬則流去。南怒以枕擲之。峯雖謝過。而又曰。雲門氣宇如王。甘死語下乎。澄公有法授人死語也。死語其能活人乎。卽背去。南挽之曰。若如是。則誰可汝意。峯曰。石霜圓手既出諸方。公宜見。

道高僧傳

卷

卷五

之不可後也。南默計曰：悅師翠巖使我見石霜于悅，何有哉？卽造石霜及中途，聞慈明不事事，忽叢林，無意見之。遂登衡嶽，謁福嚴賢禪師。賢命掌書記。俄賢卒，郡守請慈明補之。旣至，目其貶剝諸方，件件數爲邪解。南爲之氣索，遂造其室，欲行師資禮。明曰：書記已領，徒遊方設使有疑，可坐商畧。不必作是行徑。南哀懇愈切。明曰：公學雲門禪，必善其旨。如云放洞山三頓棒，是有喫棒分耶？是無喫棒分耶？南曰：是有喫棒分。明色莊曰：若爾則從朝至暮，鵠噪鴉鳴，亦有喫棒分？卽端坐受南炷香。

作禮。明復問曰：趙州謂臺山婆子：我爲汝勘破了也。且道那裏是？他勘破婆子處。南汗下不能加答。連日入室請決。明唯詬罵而已。一日南曰：罵豈慈悲法施耶？明曰：汝作罵會耶？南于是大悟。遂作頌曰：傑出叢林是趙州。老婆勘破沒來由。而今四海清如鏡。行人莫與路爲讐。

釋宗杲號大慧因居妙喜庵又稱妙喜產宣州奚氏卽雲峰悅之後身也靈根夙具慧性生知年方十二卽投慧雲齊公十七薙染初遊洞宗之門洞宗耆宿因師詞

道高僧傳要 卷一
 鋒之銳乃燃臂香授其心印師不自肯棄去依湛堂準
 久之不契湛堂因臥疾俾見圓悟悟居蜀昭覺師脚蹣
 未進一日聞詔遷悟住汎天寧喜曰天賜此老與我也
 遂先日至天寧迎悟且自計曰當終九夏若同諸方妄
 以我爲是者我著無禪論去也值悟開堂舉僧問雲門
 如何是諸佛出身處門曰東山水上行悟曰天寧卽不
 然只向他道薰風自南來殿閣生微涼師聞忽前後際
 斷悟曰也不易你到這田地但可惜死了不能活不疑
 言句是爲大病豈不見道懸崖撒手自肯承當絕後再

甦欺君不得須要信有這些道理于是令居擇木堂爲
 不釐務侍者後聞悟室中問僧有句無句如藤倚樹話
 師遂問曰聞和尚當時在五祖曾問此話不知五祖道
 甚麼悟笑而不答師曰和尚當時旣對衆問今說何妨
 悟不得已曰我問五祖有句無句如藤倚樹意旨如何
 祖曰描也描不成畫也畫不就又問樹倒藤枯時如何
 祖曰相隨來也師當下釋然大悟曰我會也悟歷舉數
 段因緣詰之皆醉對無滯悟喜謂之曰始知吾不汝欺
 也乃著臨濟正宗記付之俾掌記室未幾圓悟返蜀師

因韜晦結菴以居後度夏虎丘閻華嚴至第七地菩薩得無生法忍處忽洞明湛堂所示殃崛摩羅持鉢救產婦因緣宋紹興七年詔住雙徑一日圓悟計音至師自撰文致祭卽晚小參舉僧問長沙南泉遷化向甚處去沙曰東村作驢西村作馬僧曰意旨如何沙曰要騎便騎要下便下若是徑山卽不然若有僧問圓悟先師遷化向甚處去向他道墮大阿鼻地獄意旨如何曰饑餐洋銅渴飲鐵汁還有人救得也無曰無人救得曰如何救不得曰是此老尋常茶飯十一年五月秦檜以師爲

張九成黨毀其衣牒竄衡州三十六年十月詔移梅陽不久復其衣服放還詔住阿育王尋降旨令師住徑山大弘圓悟宗旨辛巳春退居明月堂一夕衆見一星殞于寺西流光赫然尋示微疾八月九日謂衆曰吾翌日始行是夕五鼓手書遺表併囑後事有僧了賢請偈師乃大書曰生也祇麼死也祇麼有偈無偈是甚麼委然而逝世壽七十五坐五十八夏謚普覺塔名寶光釋守珣號佛燈卽郡之施氏子也初參廣鑑瑛和尚不契遂謁佛鑑隨衆咨請邈無所入乃封其衾曰今生若

不徹去誓不展此。于是晝坐宵立如喪考妣逾七七日。忽佛鑑上堂曰森羅及萬象一法之所印。珣聞頓悟。鑑曰可惜一顆明珠被這風顛漢拾得也。乃詰曰靈雲道自從一見桃花後直至如今更不疑如何是他不疑處。珣曰莫道靈雲不疑只今覓個疑處了不可得。鑑曰玄沙道諦當甚諦當敢保老兄未徹在那裏是他未徹處。珣曰深知和尚老婆心切鑑然之。珣拜起呈偈曰終日看天不舉頭桃花爛熳始擡眸饒君更有遮天網透得牢關卽便休鑑囑令護持是夕展衾厲聲曰這回珣上

座穩睡去也。圓悟聞竊疑其未然。乃曰。吾須勘過始得。令人召至。因與造山偶到一水潭。圓悟推珣入水。遽問曰。牛頭未見四祖時如何。珣曰。潭深魚聚。曰。見後如何。珣曰。樹高招風。曰。見與未見時如何。珣曰。伸腳在縮腳裏。圓悟大然之後出世。初至禾山。次天聖從何山及天寧紹興甲寅。謂居士鄭績曰。十月八日是佛鑑先師忌日。吾時至矣。迄還鄣南。至十月四日。績遣弟僧道如訊之。珣曰。汝來正其時也。吾雖與佛鑑同條生。終不同條死。明早可與我尋一隻小船來。道如曰。要長者高者。珣

曰高五尺許。越三日雞鳴端坐如平時。侍者請偈。珣曰。不曾作得。言訖而逝。闡維舌根不壞。

釋慧遠眉山彭氏子。年十三從藥師院宗辯雜染首詣大慈講肆。次參靈巖微禪師。微有所入會圓悟領旨住昭覺。遠投之。值悟普說舉龐居士問馬祖。不與萬法爲侶。因緣遠忽頓悟。什於衆衆披之起。遠乃曰。吾夢覺矣。至夜小參。遠出問曰。淨裸裸空無一物。赤骨力貧無一錢。戶破家亾。乞師賑濟。悟曰。七珍八寶。一時拿遠。曰。禍不入謹家之門。悟曰。機不離位。墮在毒海。遠便喝。悟以

柱杖擊禪牀云。喫得棒也未。遠又喝。悟連喝兩喝。遠便禮拜。自此機鋒峻發。無所抵牾。出世初住臯亭山顯孝。宋乾道六年十月十五日詔遷靈隱上堂。僧問卽心卽佛時如何。曰頂分丫角。僧曰。非心非佛時如何。曰耳墜金環。僧曰。不是心。不是佛。不是物。又作麼生。曰。禿頂。修羅舞。柘枝。七年二月十五日召入選德殿。賜坐。孝宗問如何免得生死。遠對曰。不悟大道。終不能免。帝曰。如何得悟。遠曰。本有之性。究之無不悟者。帝曰。悟後如何。遠曰。悟後始知脫體現前了。無毫髮可見之。相。帝首肯之。

帝又曰卽心卽佛如何遠曰目前無法陛下喚甚麼作心帝曰如何是心遠正身又手立曰只這是帝大悅八年秋八月七日召遠入東閣賜坐帝曰前日夢中忽聞鐘聲遂覺不知夢與覺是如何遠曰陛下問夢耶問覺耶若問覺而今正是寐語若問夢而夢覺無殊教誰分別夢即是幻知幻卽離覺心不動故曰若能轉物卽同如來帝曰夢幻旣非鐘聲從甚處起遠曰從問處起帝又問曰前日在此閑坐忽思得不與萬法爲侶有個見處遠曰願聞帝曰四海不爲多遠曰一口吸盡西江水

又如何帝曰亦未曾欠闕遠曰纔涉思惟便成剩法正使如斷輪如閃電了無干涉何以故法無二故見無二見心無別心如天無二日帝悅賜佛海大師之號淳熲三年正月忽感微疾于上元說偈曰拗折秤鎌掀翻露布突出機先鴉飛不度安坐而逝留七日顏色不異全身塔焉

釋安民字密印嘉定朱氏子也初講楞嚴于成都有時圓悟居昭覺因造焉值悟小參舉國師三喚侍者因緣趙州拈云如人暗中書字字雖不成文彩已彰那裏

是文彩已彰處民聞心疑之告香入室悟問座主講何經對曰楞嚴悟曰楞嚴有七處微心入還辨見畢竟心在何處民多呈義解悟皆不肖民復請益悟令一切處作文彩已彰會偶僧請益十玄談方舉問君心印作何頗悟厲聲曰文彩已彰民聞悅然自謂至矣悟示鉗錐函措一日白悟請弗舉話待某說看悟曰諾民曰尋常拈錐堅拂豈不是經中道一切世界諸所有相皆卽菩提妙明真心悟笑曰你原來在這裏作活計民又曰下喝敲牀時豈不是返聞聞是性性成無上道悟曰你豈

不見經中道妙性圓明離諸名相民于言下釋然於是罷講侍圓悟因悟出蜀居夾山民從行悟爲衆小參舉古帆未掛因緣民聞未領遂求決悟曰你問我民舉前話悟曰庭前柏子民卽洞明謂悟曰古人道如一滴投於巨壑殊不知大海投于一滴悟笑曰奈這漢何悟說偈曰休誇四分罪楞嚴按下雲頭徹底參莫學亮公親馬祖還如德嶠訪龍潭七年往返遊昭覺三載翱翔上碧巖今日煩充第一座百花叢裏現優曇未幾開法保寧遷華藏大弘圓悟之道後示疾于本山闍維舍利頗

曠人或穴地尺許皆得之尤光明莹潔心舌不壞并建塔焉

釋寶印號別峰嘉州李氏子也幼通六經長窮七史忽厭塵俗志慕竺墳乃從德山清素得度徃聽華嚴起信盡得旨覺勞筭沙終非解脫遂依中峯密印民禪師密印舉僧問巖頭起滅不停時如何巖叱曰是誰起滅師聞大悟會圓悟歸昭覺遣師徃省隨衆入室悟問從上諸聖以何接人師豎起拳悟曰此是老僧用底何者是從上諸聖用底師以拳揮之悟亦舉拳相交大笑而止

又謁大慧于徑山慧問甚處來曰西川慧曰未出劔門
關與汝三十棒了也曰不合起動和尚慧忻然後出奉
詔住雪竇淳熲七年秋召師問道賜肩輿入選德殿帝
曰三教聖人本同這個理否對曰譬如虛空東西南北
初無二也帝曰但聖人所立門戶則不同耳如孔子以
中庸設教印曰非中庸何以安立世間故法華云治世
語言資生業等皆與實相不相違背華嚴云不壞世間
相而成出世法帝曰今時士大夫學孔子者多只工文
字語言不見夫子之道不識夫子之心惟釋氏禪宗不

以文字教人、直指心源、頓令悟入、不亂于生死之際。此爲殊勝印曰、非獨後世不見夫子之心、嘗見孔門顏子號爲具體、盡生平力量、只道得個瞻之在前、忽焉在後、竟捉模不著、而夫子分明八字打開、向諸弟子道、二三子以我爲隱乎、吾無隱乎爾、吾無行而不與二三子者是丘也、以此觀之、夫子未嘗迴避諸弟子、而諸弟子自蹉過了也。昔張商英曰、吾學佛然後能知儒、此言寔爲至當。帝曰、朕意亦謂如此。帝又問莊子何如人。印曰、只是佛法中小乘聲聞以下人也。蓋小乘厭身如桎梏、棄

智如雜毒、化火焚身、入無爲界、卽如莊子所謂形固可使如槁木、心固可使如死灰、若大乘人、則不然、度衆生盡方證菩提、正如伊尹所謂予天民之先覺者也、將以斯道覺斯民也、有一夫不被其澤者、若已推而內諸溝中也。帝大悅、詔住徑山、開堂曰、三世諸佛、以一句演千萬億句、收百千萬億句、祇在一句。祖師門下半句也、無底恁麼、合喫多少痛棒、諸仁者、且道諸佛是祖師、是若道佛是祖、不是祖、是佛不是、取舍未忘、若道佛祖一時俱是、一時俱不是、顛頽不少、且截斷葛藤一句作麼

生道良久曰大蟲裹紙帽好笑又驚人十年二月帝詮圓覺經賜師命作叙流行紹熙元年十一月往見智策禪師決別策問行日師曰水到渠成索紙書云十二月初七夜雞鳴時九字果至期而化留七日顏色明閨髮長項溫葬全身于西岡謚曰慈辯塔曰智光

釋彌光號晦庵閩中李氏子也生寡言笑聞僧貝梵則喜年十五依文慧禪師圓頂喜究羣書一日計曰剃髮染衣當期悟徹而醉心俗典耶遂首謁圓悟次參黃蘖祥高庵悟機語皆契以淮楚益起歸謁佛心值大慧寓

廣因從之慧曰汝在佛心處所得者試舉一二看光曰
佛心上堂拈普化公案曰佛心卽不然總不恁麼來時
如何劈脊便打從教徧界分身慧曰汝意如何曰某不
肯他後頭下個註腳慧曰此正是以病去法光毅然無
信可意慧曰汝但揣摩看光竟以爲不然經旬因記海
印信公拈曰雷聲浩大雨颶全無光始無滯趨告慧舉
道者見琅邪并玄沙未徹語詰之光對已大慧笑曰雖
進一步祇不著所在如人斫樹根下一刀則命根斷矣
汝向枝上斫其能斷命根乎今諸方浩浩說禪見處纏

如是也。何益于事。其楊岐正傳止三四人而已。光惞而去。翌日慧問汝還疑否。曰無可疑者。慧曰。祗如古人相見。未待開口已知虛寔。或聞其語便識淺深。此理如何。光悚然汗下。莫知所詣。慧令究有句無句話。慧過雲門庵。光亦侍行。一日問曰。某到這裏不能得徹。病在甚處。慧曰。汝病最癱。世醫拱手何也。別人死了不得活。汝今活了未曾死。要到大安樂田地。須是死一回始得。光疑惑愈深。後入室。慧問喫粥了也。洗鉢孟了也。去卻藥忌。道將一句來。光曰。裂破。慧乃振威喝曰。你又說禪也。光

卽大悟。慧卽撾鼓告眾曰。龜毛拈得笑咍咍。一擊萬重關鎖開。慶快平生在今日。孰云千里賺吾來。光亦呈偈曰。一梭當機怒雷吼。驚起須彌藏北斗。洪波浩渺浪滔天。拈得鼻孔失卻口。自爾名喧宇宙。道洽緇素。出住教忠。辨香爲妙喜。拈出釋道謙。本郡人。初依佛果。無所入。妙喜奉旨住徑山。謙亦在侍。令往長沙。通書于張紫巖。乃自謂參禪二十年。尚無個入處。又有此行。豈不荒廢乎。將辭友人宗元。叱曰。不可。豈以在路參禪。不得耶。汝去。吾與俱往。一日在

途泣曰。一生參禪無得力處。今奔波若此。何得相應。元曰。你但將諸方參得悟得。并圓悟妙喜與你說得底。都不要理。會途中我可替者。盡替汝。只有五事替不得。須自承。當曰。何爲五事。元曰。著衣喫飯。屙屎放尿。駛死屍路上行。謙于言下。大徹不覺手舞足蹈。元曰。汝此回方可通書。吾先歸矣。後半載返雙徑。妙喜于山門外亭一見便曰。建州子。這回自別也。

釋道樞。吳興西安徐氏子也。嘗來道場。慧禪師得授心印。道業日隆。初主何山移華藏。隆興初詔遷靈隱。宋孝

宗召入內殿賜坐。問曰。禪道之要可得聞乎。對曰。此事在陛下。堂堂日用應機處。本無知見。起滅之分。聖凡迷悟之別。第護正念。則與道相應。墮情卻物。則業不能繫。盡去沉掉二病。自忘問答之意。矧今見在般若光明中。何事不成見也。上爲之首肯。後以老乞退居明教之永安。逍遙自適。嘗題偈于壁曰。雪裏梅花春信息。池中月色夜精神。年來可是無佳趣。莫把家風舉似人。淳熲丙申八月示微疾。書偈而逃塔于永安。釋善繼。號絕宗。越之婁氏子也。母王氏夢神僧授白芙

葉遂娠生卽能言或見母舉佛號便能合掌和之稍長治春秋傳因竊窺佛經乃唯然歎曰春秋固佳特世法耳莫若求出世法況吾身如泡聚官爵奚爲哉于元大德卽請于父母師恭和尚祝髮明年進滿分戒尋從天竺大山恢法師習天台教恢公見其慧解卓倫嘗囑曰吾輪下數百人堪繼大法者惟子耳會大山遷雲間之延慶卽往南竺謁湛堂澄澄一見便問曰入不二門屬何觀法繼對曰三種觀法對屬三部此文旣與止觀同成觀體的是從行澄又問諸經之體爲迷爲悟繼曰體

通志

毛
一

四

意也。元季一日忽告衆，端坐而逝。世壽七十有二。僧臘六十有三。荼毘舌根不壞，塔于靈秘之西。

釋真清號象先長沙湘潭羅氏子生而穎異修幹玉立威儀嚴肅不妄言笑日誦經史數千言終身不忘一字父爲河南縣尹常對賓朋以大器期之年十五補邑弟子員偶有異僧過而目之曰此法門良驥也十九因家難起遂投南嶽伏虎巖依寶珠和尚雜染受具足戒令看無字話自是一心衆究寒暑不輟至二十五從珠遊金陵探禹穴因舟觸岸有聲忽有省珠大喜曰幸子大

事已明、善宜保護。珠以年高、卽普陀棲隱于下天竺。忽一日命師曰：吾欲觀化、無令人入。聞吾擊磬聲、當啟戶。數日不聞動定。師密窺牖隙、見珠鼻柱垂地。越一日聞磬、師方排闥而入。珠已泯然逝矣。珠旣化去、師乃訪鹽官古蹟、駐錫覺皇俄患背疾、感雲長入夢授藥、病愈時佛慧寺月溪法師講起信論于吉祥師、乃率衆延唱臨濟宗旨、衆扣師室從容語之曰：圓宗無象、滿教難思。我若有宗可講、非但法堂前草深一丈、卽真空亦爲緣慮之場。汝若有法可聽、豈特頭上安頭、實際卻爲聲名之

境三世諸佛歷代祖師。不過以楔出楔。隨迷遣迷。是故會旨者。山嶽易移。乖宗者。錙銖難入。況起信之旨大徹。宗乘何須更煩。忉怛勉之。衆皆稽首而退。師乃南遊天台。窮搜勝絕。懷無見覩之高風。誅茆塔前三年。有荆山法師赴石梁之社。偕師至毘陵永慶。互以楞嚴參究。荆山歎曰。某所講經。雖精微于佛語。聞師所論。誠出卷于塵中。師欲返初服。而禮部唐公荊川。留結千日之期。已而復歸天台。古平田寺。臨海王司寇敬所入山訪道。訂爲方外交。隨遷華頂天柱峯。修大小彌陀懺六年。暇則

敷演十乘，闡明三觀，故四方學者，攀蘿而至，俄雲間陸宗伯平泉聘說法于本一院，李方伯冲涵聘講于桐川，再畢返掉嘉禾龍淵，歟抱疾告門人付衣鉢，遺囑弟子如法闡維，盡發長物于五臺雲棲西興五處飯僧，卒于萬曆癸巳正月二十九日，世壽五十七，臘三十八，如惺抱骨建塔遷于寺西螺師山右，繡文溪之上，武塘了凡居士袁黃撰銘。

釋梵琦，字楚石，明州象山人。姓朱，父杲，好善有隱德。母張氏，事佛惟謹。以大元元貞二年丙申六月夢日墮懷。

而生襁褓中有神僧見之謂曰此兒佛也他日當大振佛法四歲失怙恃祖母王氏鞠之六歲善屬對七歲能書大字詩書過目不忘九歲抵西浙從海鹽天寧衲翁模受經業年十六入杭昭慶受具戒一日閱首楞嚴有說偈曰七處徵心心不肯入還辨見見元無譬開秘密千重鎖迸出圓明一顆珠從此聖凡知解絕有何生死性情拘詬頭拈起知音少留與人間作楷模時元叟端禪師至徑山師往來卽問如何是言發非聲色前不物叟遽云言發非聲色前不物速道速道師擬進語叟震

威一喝師乃錯愕而退會英宗皇帝詔善書者赴闕金書大藏經師在選中辭叟遂行旣至館于萬寶坊近崇天門一夕睡起聞綵樓鼓鳴豁然大悟徹見徑山爲人處述偈曰崇天門外鼓騰騰驀劄虛空就地崩捨得紅爐一片雪卻是黃河六月冰甲子東歸再來元叟于徑山叟迎笑曰且喜汝大事了畢遂以第二座延之學者多諮詢焉未幾以行宣政院命出世海鹽州之福臻題五相無礙曰萬法圓成一念中衆生世界盡牢籠光相大小珠相似赤白青黃色不同畢竟未知何處起如今

方信本來空平常一句如何會日出西方夜落東天曆遷州之天寧至元遷杭之報國至正遷嘉興之本覺丁亥帝賜號佛曰普覺慧辯禪師復遷天寧建大毗盧閣又建寶塔七層高二百四十餘尺塔成忽偏倚欲仆師曰禱于佛夕大風雨州民聞空中有聲曰急徃天寧救塔明日塔乃四正如初後以兵燹殆廢失頂之寶瓶師復鳩施完葺以錢鑄寶瓶補之上瓶之日天花紛雨異香滿空大明洪武元年秋九月詔江南大浮圖十餘人于蔣山寺作大法會師與其列隨升座說法以聳人天

龍鬼之聽上大悅。二年三月復修故事召師說法錫燕于文樓下親承顧問出內府白金以賜館于天界寺上以鬼神情狀幽微難測命著三藏之說既而援據經論成書將入奏忽示微疾越四日趣左右具浴更衣索筆書偈曰真性圓明本無生滅才向夜鳴西方日出厲聲一喝泊然而化茶毗齒牙舌根數珠咸不壞弟子文晟奉歸海鹽建塔于天寧永祚禪寺

釋王芝講楞嚴偈云。談經非舌耳無聞。一坐青山夏十旬。標指瞿曇終有相。迷頭演若本無因。病源莫執方爲

藥心境須知法是塵。直下不留元字腳。個中誰是出頭人。又云只繡鴛鴦不度針。百花叢底漫沉吟。七徵未解齊生死。八办那能出縱擒。獎垢祇緣窮子念。慇懃終媿老婆心。便教捲席同休去。方丈何妨草自深。

釋蓮池。祿仁和縣人。姓沈。年十七。補邑庠。雖業儒。每書生死事大四字於案頭。自警。一日啜茗。失手碎茶甌。有省。遂投西山。性天理和尙。雜髮於無塵律師處。受具。北遊五臺。參遍融後。又謁笑嚴於柳菴。求開示。嚴曰。你三千里外求我開示。我有甚麼開示。師恍然。卽禮辭。過東

昌道中。聞譙樓鼓聲。忽悟偈曰。三十年前事可疑。三千里外遇何奇。焚香擲戟渾如夢。魔佛空爭是與非。遂南歸住雲棲。開淨土門。以攝三根。由是四衆翕然尊之。侍郎王公宗沐。問夜來老鼠。唧唧說盡一部華嚴經。師曰。猫見突出時如何。王無語。師自代云。走卻法師。留下講案。仍頌曰。老鼠唧唧。華嚴歷歷。奇哉。王侍郎。卻被畜生惑。猫見突出。在畫堂前牀頭說法。無消息。無消息。大方廣佛華嚴經。世主妙嚴品第一。問世尊。默然良久。外道謂。開我迷雲。空生晏坐。不言。帝釋云。善說般若作麼生。師

曰良久處欲望開迷陰霾萬里晏坐邊擬開船若說竟
多時雖然如是鞭頭得肯空裏飛花且畢竟見個甚麼
十二月廿八臨終時預於半月前別衆曰吾將他往矣
人皆莫測至期果示微疾面西而逝釋圓悟號密雲姓蔣宜興人生卽端嚴摠角時念世無
常勤持佛號偶見壇經宗門向上一路覺有入處凡山
行及穿城歷市咸事叅究一日負薪過山觸積薪而省
聞禹門傳演法龍池徃侍雍染閱三年每自勘心境對
立以天地同根萬物一體語請益徃往被訶抱憤成疾

因閉關池過關前話及有心無心之旨師呈偈云心心
卽自心有無皆自心有無皆自心無心無自心池未許
可又三年命監院務奮發精進忽于銅官山頂悟情與
無情煥然等現遂往觀龍池于都門池心折之因以無
住法囑師南遊自雙徑兩目天台爲諸名宿開發積疑
莫不驚嘆得未曾有迨池歸叩師以扶持佛法師呈賞
罰都與三十棒之偈池笑付拂未幾池遷化師感法乳
恩深心喪三年煢煢在疚觸目注存大明萬曆丁巳遠
涉匡衡還息于天台通玄寺宗風大播次年應金粟請

依荆榛、餐葵藿、龍象競歸之。不踰時、輪奐遞起、悉具叢林規制、食以萬指。凡師所過、緇素瞻禮者、喧填雜沓。每至遮道不得行、其山川阻隔、從數千里外、勒尺寸以請者、師爲之發蒙導滯、一如親承撲棒而聲教四訖。崇禎庚午冬、自黃檗歸金粟、四方皈依者益衆。昌治入室、授法名通昌。司李黃元公請住天童。昔天童山巍冠五山、及到、因洪水漂沒、丹崖翠壁之間、遺構蕭蕭、遂任締造之役。積十年、臺閣崇隆、堂室複疊、望之若雲蒸霞鬱。飄笠濟濟、三倍金粟。師修列祖塔竟、卽有退藏之志。一生

開示舉從前、千七百則公案、悉落塵尾。而斬葛藤、撥開雲霧、其接引者自王公長者以至廝隸末流、五比丘、十弟子、以及一闡提輩、統以慈光、撝受如偶成偈云：「十方世界恣橫眠、那管東西南北天。惟我獨尊全體現、人來問著只粗拳。」其著述者爲法証、办如鐘聲鏡影、不墮語言文字之障。其衲復者法幢所賁、卽爲寶坊而一杖一拂、飄然物外、絕不作一住相。崇禎辛巳、田太傅承皇貴妃、田氏命躬齋紫衣入山、祈師演法、因請住留都大報恩寺。師以衰邁力郤之。是年七月之七日、示疾、跏趺而

逝全身塔于天童南崗。

釋通容號費隱姓何福清人年十四依鎮東慧山祝髮初參壽昌博山及雲門後聞密雲寓吼山遂往謁被打從前伎倆知見一切水釋雲始問薰風自南來殿閣生微涼汝作麼生會師云水向石邊流出冷風從花裏過來香雲便休去旣而雲主金粟命職西堂明年隨赴黃檗以源流衣拂付焉大明崇禎丙子歲師自黃檗遷金粟丙戌遷天童又遷超果又遷福嚴大清順治庚寅師受鎮將邑侯諸鄉紳請上徑山鉗鉢衲子寒暑弗懈賜

昌治杖偈云覲體現前描畫不得妙運超方了無羣惑指點人間疏通正脉如天童示云且道歷代祖師安身立命在甚麼處莫是在天上人間麼且喜沒交涉莫是在魔宮佛界麼且喜沒交涉莫是有佛處不得住無佛處急走過麼且喜沒交涉若向者裏分曉得諦當分明鐵饅頭一任橫咬豎嚼不妨大家有分又超果示云窮究參看是什麼意旨看到無可看參到無可參逼拶到結角羅文處忽然突出眼睛來因元來教外別傳直指之道得恁麼近本分事得恁麼現成妙明心得恁麼靈

通真如性得恁麼不變。如來藏得恁麼含藏。公案得恁麼無私。大道得恁麼廣大。十方無畔岸。八面絕其遮攔。縱目所觀。縱手所指。高低普應。左右逢原。取之無盡。用之不竭。事事歸宗。頭頭合轍。大用現前。不存軌則。豈不爲最圓頓之法門。又徑山偶題云。五峰開似五蓮花。梵宇幽居勝足誇。龍象繼蹤那有億祖燈。續焰自無涯。蒼松夾道飛空入。翠竹藏天壓日斜。法座我登將甚說。萬山圍繞笑趺跏。一片婆心孽孽矻矻。不知老之將至云。

釋海明號破山。蜀之蹇氏子。弱冠得度。從慧法主聽講。楞嚴。咨疑不決。卽出蜀住破頭山。鞭逼三載。忽於經行之際。見一平世界。不覺墮落巖下。損足至半夜翻身。剝痛有省。叫曰。屈屈。一居士曰。師腳痛耶。師劈面一掌曰。非公境界。尋叅博山。復叅雲門。後叅天童。童問那裏來。師曰。雲門。曰。幾時起身。師曰。東山紅日出。童曰。東山紅日出。與汝什麼相干。師曰。老老大大。猶有這箇語話。童曰。我旣如此。你許多絡索。又從那裏來。師震威一喝。便出入室次。童問內不放出外。不放入政。恁麼時以何爲。

界師曰。竿頭絲線從君弄。不犯清波意自殊。崇禎已巳出世。僧問萬法從心生。萬法從心滅。不生不滅心在甚麼處。師曰謝。三娘不識四字。僧禮拜。送法衣至。上堂。大庾嶺頭提不起。鷄足山前成滯貨。衲僧今日獲一披。如雲普覆華王座。大眾記取三十年後。切忌不可動着。何也。動着則禍生。問是法非思量分別之所能解。爲什麼惟佛與祖乃能知之。師曰知音不必頻頻舉。入兩原來是半効。問破山堂內有僧否。師拈拄杖曰。向。前來與汝道。曰執拄杖者。是誰。募頭一棒。

法高僧摘要卷二目

○大法無間。幽顯可通。知來遡往。振贖驚韓。一番寒

微骨。徧界是香風。佛法相見也。誰之功。

○佛圖澄

鄭中竺咸和

晉

○鳩摩羅什

天竺

晉

○僧寔

京師追遠

周

太和

○佛跋陀羅

京師

晉

○道融

彭城郡

晉

上虞龍山

○慧嚴

京師靈根

宋

元嘉

○僧亮

京師

宋

太始

食時當擒段波勒登城望彼軍不見前后失色曰軍行地傾波豈可獲更遣樊安問澄澄曰已獲波矣時城北伏兵出遇波執之澄勸勒宥波遣還本國勒從之卒獲其用勒後僭稱趙天王行皇帝事改元建平是歲晉成帝咸和五年勒登位已後事澄彌篤石虎有子名斌後勒爲兒勒愛之甚重忽暴病而亾已涉二日勒曰朕聞虢太子死扁鵲能生大和尚國中之神人可急往告必能致福澄迺取楊枝呪之須臾能起有頃平復由是勒諸稚子多在佛寺中養之每至四月八日勒躬自詣寺

灌佛爲兒發願至建平四年四月天靜無風而塔上一鈴獨鳴澄謂衆曰鈴音云國有大喪不出今年矣是歲七月勒死子弘襲位少時石虎廢弘自立遷都于鄴稱元建武虎傾心事澄有重于勒迺下書曰和尚國之大寶榮爵不加高祿不受榮祿非顧何以旌惠從此以往宜衣以綾錦乘以雕輦朝會之日和尚升殿常侍以下悉助舉輿太子諸公扶翼而上時太子石述尚爲逆謂內監曰和尚神通倘發吾謀明日來者當先除之澄月望將入觀虎謂弟子僧慧曰昨夜天神呼我曰明日若

入還勿過人我倘有所過汝當止我澄常入必過遂深知澄入要候甚苦澄將上南臺僧慧引衣澄曰事不得止坐未安便起遂固留不住所謀遂差還寺嘆曰太子作亂其形將成欲言難言欲忍難忍乃因事從容箴虎終不能解俄而事發方悟澄言後郭異略將兵征長安北山羌墮羌伏中時澄在堂上坐弟子法常在側澄憮然改容曰郭公今厄唱云衆僧呪願澄又自呪願須臾更曰若東南出者活餘向則困復更呪願有頃曰脫矣后月余日異略還自說墮羌圍中東南走獲免推檢日

時正是澄呪願時也石虎兒僞大司馬莢公石斌虎以爲幽州牧鎮羣凶湊聚因以肆暴澄戒虎曰天神昨夜言疾收馬還至秋齊當癰爛虎不解此語卽敕諸處收馬送還其秋有人譖斌于虎虎召斌鞭之三百殺其所生母齊氏虎彎弓捨矢自視行斌罰罰輕虎乃手殺五百潛諫曰心不可縱死不可生禮不親殺以傷恩也何有天子手行罰乎虎乃止後晉軍出淮泗龍北凡城皆被侵逼三方告急人情危擾虎乃曉曰吾之奉佛供僧而更致外寇佛無神矣澄明日早入虎以事問澄澄因

諫之曰王過去世曾爲大商主至罽賓寺嘗供大會中有六十羅漢吾此微身亦預斯會時得道人謂吾曰此主人命盡當受鷄身後王晉地今王爲王豈非福耶壇場軍寇國之常耳何爲怨謗三寶夜興毒念乎虎乃信悟跪而謝焉虎嘗問澄佛法不殺朕爲天下之主非刑殺無以肅清海內旣違戒殺生雖復事佛詎獲福耶澄曰帝王事佛當在體恭心順顯暢三寶不爲暴虐不害無辜至于凶愚無賴非化所遷但當殺可殺刑可刑耳若暴虐恣意殺害非罪雖復輕財事佛無解殃禍虎雖

不能盡從而爲益不少時久旱自正月至六月虎遣太子詣臨漳西畚口祈雨久而不降虎令澄自行卽有白龍二頭降于祠所其日大雨方數千里其年大收澄常遣弟子向西城市香旣行澄告餘弟子曰掌中見買香弟子在某處被賊垂死因燒香呪願迺救護之弟子後還云某月某日于某處爲賊所劫垂當見殺忽聞香氣賊無故自驚曰救兵已至棄之而走虎于臨漳修治舊塔少承露盤澄曰臨漳城內有古阿育王塔地中有承露盤及佛像其上林木茂盛可掘取之卽畫圖與使依

言掘取果得盤像虎嘗晝寢夢見羣羊負角從東北來
寤以訪澄澄曰不祥也鮮卑其有中原乎慕容氏後果
都之澄嘗與虎共昇中臺澄忽驚曰變變幽州當火災
仍取洒洒之久而笑曰救已得矣虎遣驥幽州云爾日
火從四門起西南有異雲來驟雨滅之雨內頗有酒氣
后月余日有一妖馬鬚尾皆有燒狀入中陽門出顯陽
門走向東北俄爾不見澄聞而嘆曰災其及矣至十一
月虎大饗群臣于太武前殿澄吟曰殿乎殿乎棘子成
林將坯人衣虎令發殿石下視之有棘生焉澄還寺視

佛像曰悵恨不得莊嚴獨語曰得三年乎自答不得又曰得二年一年百日一月乎自答不得乃無復言還房謂弟子法祚曰戊申歲禍亂漸萌己酉歲石氏當滅吾及其未亂先從化矣卽遣人與虎辭曰物理必遷身命非保貧道炎幻之軀化期已及旣荷殊重故逆以仰聞虎愴然曰不聞有疾忽爾告終卽自出宮而慰喻焉澄謂虎曰出生入死道之常也修短分定非所能延今意未盡者以國家心存佛理奉法無咎興起寺廟崇顯壯麗稱斯惡也宜享休祉而布政猛烈滛刑酷濫不自懲

革終無福祐。若降心易慮，惠此下民，則國祚延長，道俗慶賴。畢命就盡，沒無遺恨。悲鳴慟泣，知其必逝，卽爲鑿墳營壙，至十二月八日卒于鄴宮寺。是歲晉穆帝永和四年，士庶悲慟，傾國哀號。春秋一百一十七。

鳩摩羅什此云童壽天竺人也家世國相什旣道流西
域名被東國時符堅僭號關中有外國前部王及龜茲
王弟竝來朝堅堅於正殿引見二王因說堅云西域多
產珍奇乃請兵往定以求內附至苻堅建元十三年正
月太史奏云有星見外國分野當有大德智人入輔中

國堅曰朕聞西域有鳩摩羅什襄陽有沙門道安將非此耶卽遣使求之十八年九月堅遣驍騎將軍呂光陵江將軍姜飛等將前部王及車師王等率兵七萬西伐龜茲及烏耆諸國臨發堅餞光于建章宮謂光曰夫帝王應天而治以子愛蒼生爲本豈貪其地而伐之正以懷道之人故也朕聞西國有鳩摩羅什深解法相善闡陰陽爲後學之宗朕甚思之賢哲者國之大寶若尅龜茲卽馳驛送什光軍未到什對龜茲王白純曰國運衰矣當有勍敵日下宜恭承之勿抗其鋒純不從而戰光

遂破龜茲殺純立純弟震爲王光旣獲什未測其智量見年齒尙少乃凡人戲之強妻以龜茲王女什拒而不受辭甚苦到乃飲以醇酒不虧其節或令騎牛及乘惡馬欲使墮落什曾無異色光慚愧而止光還中路置軍於山下將士已休什曰不可在此必見狼狽宜徙軍隴上光不納至夜果大雨洪潦暴起水深數丈死者數千光始異之什謂光曰此凶凸之地不宜淹留歸中路必有福地可居光從之至涼州聞符堅已爲姚萇所害光三軍縞素大臨城南于是竊號關外稱年太安頃之光

卒子紹襲位光庶子纂殺紹自立光弟保有子名超纂輒立其兄隆爲主什停涼積年萇聞高名虛心要請諸呂以什智計多解恐爲姚謀不許東入及萇卒子興襲位復遣敦請興弘始三年三月有樹連理生于廟庭逍遙園葱鬱爲莊以爲美瑞謂智人應入至五月興降方得迎什入關以其年十二月二十日至子長安興待以國師之禮甚見優寵晤言相對則淹留終日研微造盡則窮年忘倦自大法東被始于漢明涉歷魏晉經

論漸多興少崇三寶銳志講集什既至止仍請入西明閣及逍遙園譯出衆經盡轉漢音音譯流便漸覽舊經義多紕繆皆由先譯失旨不與梵本相應于是興使沙門僧䂮僧遷法欽道流道恒道標僧叡僧肇等八百餘人諮詢受什旨更令出大品什持梵本興執舊經以相讎校文義圓通衆心愜伏興以佛道冲邃乃著通三世論以勗示因果王公已下竝欽讚厥風續出小品金剛般若十住法華維摩思益首楞嚴持世佛藏菩薩藏遺教菩提無行呵欲自在王因緣觀小無量壽新賢刼禪經

禪法要禪要解彌勒成佛彌勒下生十誦律十誦戒本菩薩戒本成寔十住中百十二門諸論凡三百卷

釋僧實姓程咸陽靈武人幼懷雅亮清卓不倫嘗與諸僮共戲或摘葉獻香或聚砂成塔知爲信奉之漸親眷愛結年二十六乃得剃落有道原法師擅名魏代實往歸焉隨見孝文便蒙降禮大和末從原至洛因遇勒那三藏授以禪法每處皇宮諮問禪秘於是尋師問道備經循涉雖三學通覽偏以九次雕心故得定水清澄禪林榮蔚兼又道契生知化通關壞勤整四儀靜修三法

周太祖文皇以魏大統中下詔曰師目麗重瞳偏同虞
舜背隆偃僂分似周公德宇純懿軌量難模可昭玄三
藏言爲世寶至保定年太祖又曰師才深德大宜庇道
俗以隆禮典乃躬致祈請爲國三藏實受之益州大德
五十餘人各懷經部送像至京以真諦妙宗條以問實
既而慧心潛運南北疎通卽爲披決洞出情外竝神而
服之于是陶化京華久而逾盛忽一旦告僧曰急備香
火修理法事誦觀世音以救江南某寺堂崩厄也當爾
之時揚都講堂正論法席數百道俗充滿其中聞西北

異香及空中妓樂合堂驚出同共聞聽堂歛櫈壞大衆
無損奏聞梁主乃移以問周果如實祐大送珍寶錫遺
相續而實但取三衣什物而已餘隨散之由爾名振二
國事參至聖以保定三年七月十八日卒于大追遠寺
春秋八十有八

佛駄跋陀羅此云覺賢迦維羅衛人甘露飯王之苗裔
也父少亡賢孤與母居五歲復喪母爲外氏所養從祖
鳩婆利聞其聰敏悼其孤露乃迎還度爲沙彌至年十
七與同學數人習誦爲業衆皆一月賢一日誦畢其師

歎曰賢一日敵三十夫也及受具戒修業精懃博學羣經多所通達少以禪律馳名常欲遊方弘化會有秦沙門知嚴西至罽賓慨然東顧曰我諸同輩有道志而不遇真匠發悟莫由卽諮詢國衆孰能流化東土僉曰有佛駄跋陀者可以振維僧徒宣授禪法嚴要請苦至賢遂愍而許焉于是捨衆辭師裹糧東逝步驟三載綿歷寒暑旣度葱嶺路經六國國王矜其遠化竝傾資奉至交趾乃附舟海行經一島下賢以手指山曰可止于此舶主曰客行惜日調風難遇不可停也行二百餘里忽

風轉吹船還向島下衆人方悟其神咸師事之聽其進止後遇便風同侶皆發賢曰不可動舶主乃止旣而有先發者一時覆敗後于闇夜之中忽令衆舶俱發無肯從者賢自起收繩唯一舶獨發俄爾賊至留者悉被抄害頃之至青州東萊郡聞鳩摩羅什在長安卽往從之什大欣悅共論法相振發占微多所悟益秦太子泓欲聞賢說法乃要命羣僧集論東宮羅什與賢數番往復什問曰法云何空答曰衆微成色色無自性故唯色常空又問旣以極微破色空復云何破一微答曰羣師或

破析一微我意謂不爾又問微是常耶答曰以一微空故衆微空衆微空故一微空時寶雲譯出此語不解其意餘日長安學僧復請更釋賢曰夫法不自生緣會故生緣一微故有衆微微無自性則爲空故一微空中無衆微衆微空中無一微秦主姚興專志佛法供養三千餘僧竝往來宮闈盛修人事唯賢守靜不與衆同義饌十四年吳郡內史孟顗右衛將軍褚叔度請賢爲譯匠手執華嚴梵文共沙門法業慧義慧嚴等百有餘人於道場譯出詮定文旨會通妙得經意

釋道融沒郡林慮人十二出家厥師愛其神彩先令外學往村借論語竟不賣歸于彼已誦師借本覆之不遺一字嗟而異之于是恣其遊學迄至立年才解英絕聞羅什在關特往諮稟什見而奇之謂姚興曰昨見融公復是大奇聰明釋子興引見嘆重敕入逍遙園叅正詳譯因請什出菩薩戒本并譯中論始得兩卷融復就講剖析文言預貫終始什又命融令講新法華什自聽之嘆曰佛法之興融其人也俄而師子國有一婆羅門聰辨多學西土俗書罕不披誦爲彼國外道之宗聞什在

關大行佛法。乃謂其徒曰。寧可使釋氏之風獨傳震旦。而吾等不治東國。遂駝負書來入長安。姚興見其口眼便辟。頗亦惑之。婆羅門乃啟興曰。至道無方。各遵其事。今請與秦僧。拋其辯力。隨有優者。卽傳其化。興卽許焉。時關中僧衆。相視缺然。莫敢當者。什謂融曰。此外道聰明殊人。捨言必勝。使無上大道在吾徒而屈良可悲矣。若使外道得志。則法輪摧軸。豈可然乎。吾所覩在君一人。融自顧才力不減。而外道經書未盡披讀。乃密令人寫婆羅門所讀經目。一披卽誦。后冠日論義。姚興自出。

公卿皆會闕下。關中僧衆四遠畢集。融與婆羅門擬相
訓抗。鋒辯飛玄。彼所不及。婆羅門自知辭理已屈。猶以
廣讀爲誇。融乃列其所讀書。并秦地經史名目。卷部三
倍多之。什因嘲之曰。君不聞大秦廣學。那忽輕爾遠來。
婆羅門心愧悔。伏頂禮融足。旬日之中無何而去。融后
還彭城。常講說相續。依隨門徒數盈三百。後卒于彭城。
春秋七十四。所著法華大品金光明十地維摩等義疏。
並行于世。

江高仲指要

先二

三

壞謠唱引絳以自欣暢得直隨以布施棲憇無定所時
高平檀祇爲江都令聞而召來應對機捷無所拘滯博
達稽古辯說玄儒乃賦詩一首曰有欲苦不足無欲亦
無憂未若清虛者帶索披玄裘浮遊一世間汎若不繫
舟方當畢塵累棲志且山丘檀祇知非常人遺布三十
疋悉以乞人後有一道人常賣一杖一箱逼暮來詣海
鹽令云欲數日行暫倩一人可見給不令曰隨意取之
乃選取守鶩鴨小兒形服最醜者將去倏忽之間至一
山上有屋屋中有三道人相見欣然共語小兒不解至
日中道人爲小兒就主人索食得一小甌食狀如熟艾
食之饑止向暝道人辭欲還聞屋中人問云君知史宗
所在不其謠何當竟道人云在徐州江北廣陵白土埭
上計其謠亦竟也屋中人便作書曰因君與之道人以
書付小兒比曉便至縣與令相見云欲少日停此令曰
大善問箱中有何等答曰書疏耳道人常在聽事止眠
以箱杖著牀頭令使人夜偷取欲看之道人已知暮輒
高懸箱杖當下而臥永不可得後與令辭曰吾欲小停
而君恒欲偷人正爾便去耳令呼先小兒問之小兒云

道人令其捉杖飄然而去或聞足下波浪并說山中人
寄書猶在小兒衣帶令開看都不解乃寫取封其本書
令人送此小兒至白土埭送與史宗宗開書大驚云汝
那得蓬萊道人書耶宗後南遊吳會嘗過漁梁見漁人
大捕宗乃上流洗浴羣魚皆散後憇上虞龍山大寺善
談莊老韜光隱迹會稽謝邵魏邁之放之等竝篤論淵
博皆師焉後同止沙門夜聞宗共語者頗說蓬萊上事
曉便不知宗之所之陶淵明記白土埭遇三異去師此
其一也

釋慧嚴姓范豫州人年十二爲諸生博曉詩書十六出
家又精練佛理迄甫立年學洞羣籍聞什公在關復從
受學訪正音義多所異聞后還京師止東安寺宋高祖
素所知重高祖後伐長安要與全行嚴曰檀越此行雖
伐罪吊民貧道事外之人不敢聞命帝苦要之遂行及
文帝在位情好尤密每見弘讚問佛法羊玄保進曰此
談蓋天人之際豈臣所宜預竊恐秦楚論強兵之術孫
吳盡吞併之計將無取于此帝曰此非戰國之具良如
卿言何尙之曰夫禮隱逸則戰士怠貴仁德則兵氣衰

法言作指要

卷一

古籍

若以孫吳爲志苟在吞噬亦無取堯舜之道豈惟釋教而已耶帝悅曰釋門有卿亦猶孔氏之有季路所謂惡言不入于耳帝自是信心乃立始致意佛經及見嚴與諸僧論道義時顏延之著離識及論檢帝命嚴辯其全異往復終日帝嗟曰公等今日無愧支許嚴後著無生滅論及老子略注等東海何承天以博物著名乃問嚴佛國行用何曆嚴云天竺夏至之日方中無影所謂天中于五行土德色尚黃數尚五八寸爲一尺十兩當此土十二兩建辰之月爲歲首及討覩分至推挾薄蝕顧

步光影其法甚詳宿度年紀咸有條例承天無所厝難後婆利國人來果全嚴說初大涅槃經品數疎簡初學難以厝恆嚴乃共慧觀謝靈運等依泥洹本加之品目夢見一人形狀極偉厲聲謂嚴曰涅槃尊經何以輒加斟酌嚴覺已惕然廻更集僧欲收前本時識者咸云此蓋欲誠厲後人耳若必不應者何容卽時方夢嚴以爲然頃之又夢神人告曰君以弘經之力必當見佛也以米元嘉二十年卒于東安寺春秋八十有一

乞能辨聞湘州界銅溪伍子胥廟多有銅器而廟甚威嚴無人敢近亮聞而造焉告刺史張劭借健人百頭大船十艘劭曰廟旣靈驗犯者必斃且有蠻人守護詎可得耶亮曰若果福德與檀越共如其有咎躬自當之劭卽給人船三日三夕行至廟所亮與手力一時俱進去廟屋三十許步有兩銅鑊容百余斛中有巨蛇長十余丈出遮行路亮乃正儀執錫呪願數十言蛇忽然而隱俄見一人秉竹笏而出云聞法師道業非凡營福事重今特相隨喜于是令人輦取廟銅旣多十未取一而舫

已滿惟神牀頭有一唾壺中有一蚯蚓長二尺許乍出入亮不取而去遇風利羣蠻追不能及還都鑄像旣成惟燄光未備宋文帝爲造金薄圓光安置彭城寺至宋太始中明帝移像湘宮寺

釋法願姓鍾穎川長社人祖世避難移居吳興長城願嘗以鏡照面云我不久當見天子于是出都住沈橋以傭相自業宗毅沈慶之徵時經請願相願曰宗君應爲三州刺史沈君當位極三公如是屢相所驗非一遂有聞于宋太祖太祖見之取治囚及一僕美顏色者飾以

衣冠令願相之願指曰君多危難下階便應著鉗鎧
謂僕曰君是下賤人乃暫得免耶帝異之卽敕住後堂
知陰陽秘術後少時啟求出家爲上定林遠公弟子及
孝武龍飛宗殼出鎮廣州携願全徃奉爲五戒之師會
譙王構逆羽檄嶺南殼以諮願願曰隨君來誤殺人今
太白犯南斗法應殺大臣宜速改計必得大勲果如願
言殼遷豫州刺史復携同行及竟陵王誕舉事願陳諫
亦然願后與刺史共欲滅衆僧牀腳令依入指之制時
沙門憎導獨步江西謂願濫生其士頗有不平之色遂

致聞于孝武卽敕願還都帝問願何故詐菜食願答菜
食已來十餘年帝敕直閣沈攸之強逼以肉遂折前兩
齒不廻其操帝大怒敕罷道作廣武將軍直華林佛殿
願雖行同俗人而棲心禪戒未嘗虧節有頃帝崩昭太
后令聽還道以正勝寺居之齊高帝親事幼主恒不測
其憂每以諮願願曰后七月當定果如其言及高帝卽
位事以師禮武帝嗣興亦盡師敬文惠太子嘗徃寺問
訊願旣不命令坐文惠作禮而立乃謂願曰薄吹清饒
以爲供養其福云何願曰昔菩薩八萬妓樂供養佛尙

不如至心今吹竹管子打死牛皮此何足道其王侯妃及四遠士庶竝從受戒悉遵師禮願又善唱導及依經說法俄而寢疾時寺側遭燒寺在下風烟燄將及弟子欲輿願出寺願曰佛若被燒我何用活卽苦心歸命于是三面皆焚唯寺不燼齊永元二年年八十七卒

釋曇無最姓董武安人少稟道化名垂朝野諷誦經論堅持律部偏愛禪那心虛靜謐時行汲引咸所推崇兼博貫玄儒尤明論道最狀世情重將捐四部行施獎誨多以戒禁爲先曾於鄆鄆崇尊寺說戒徒衆千餘竝是

常隨門學至四月三十日布薩行等依位授受常計之外增長六十最居座端深怪其異旣無外衆通夕懷疑明日重推有人見從邯鄲城西而來者竝異倫大德衣服正帖翔步閑雅亦有見從鼓山東面而來或于中路逢者皆云往赴崇尊聽僧說戒如是數般節級勘其年齒相扶入數多少恰滿六十是幽靈遐降也後敕住洛都融覺寺廊宇充溢周于三里最善弘敷導妙達涅槃華嚴僧徒千人常業無怠天竺沙門菩提留支見而禮之號爲東土菩薩嘗讀最之所撰大乘義章每彈指唱

善誠爲梵字寄傳大夏彼方讀者皆東向禮之爲聖人
 然其常以弘法爲任元魏正光元年明帝加朝服大赦
 請釋李兩宗上殿齋訖侍中劉騰宣敕請諸法師等與
 道士論義時清通觀道士姜斌與最對論帝問佛與老
 子同時不姜斌曰老子西入化胡成佛佛以爲侍者文
 出老子開天經據此明是同時最問曰老子同何王而
 生何年西入斌曰當周定王三年在楚國陳州苦縣厲
 鄉曲人里九月十四日夜生簡王四年爲守藏吏敬王
 元年年八十五見周德陵遲遂與散關令尹喜西入化

胡約斯明矣最曰佛當周昭王二十四年四月八日生
 穆王五十二年二月十五日滅度計入涅槃經三百四
 十五年始到定王三年老子方生生已年八十五至散
 王元年凡經四百三十年乃與尹喜西遁此乃年載懸
 殊無乃謬乎斌曰若如來言出何文紀最曰周書異記
 漢法本內傳並有明文斌曰孔子制法聖人當明于佛
 遂無文誌何耶最曰孔氏三備上經佛之文言出在中
 備仁者識同管窺覽不弘遠何能自達帝遺尚書令元
 夏宣敕道士姜斌論無宗旨宜令下席又議開天經是

誰所說。中書侍郎魏收、尚書郎祖瑩就觀取經、太尉肖綜、太傅李實、衛尉許伯桃、吏部尚書邢奕、散騎常侍溫子昇等一百七十人讀訖奏云老子止著五千文余無言說。臣等所議姜斌罪當惑衆帝時加斌極刑西國三藏法師菩提留支苦諫乃止配徒馬邑最學優魏史籍甚騰聲遂使達儒朝士降階設敬接足歸依佛法中興惟其開務後不測其終。

釋智炫者益州成都人姓徐初生室有光彩少出家入京聽學數年遂擅名京洛會周武帝廢佛法欲存道教

乃下詔集諸僧道士試取優長者留庸淺者廢于是詔華野高僧方岳道士千里外有妖術者大集京師于太極殿陳設高座帝自躬臨敕道士先登時有道張賓登高唱言曰原夫人道清虛淳無雜祈恩請福上通天曹白日昇仙壽與天地同畢風教先被中夏無始無終含生賴之以得長生豈如佛法虛幻言過其實不容本王客寓中華百姓無知信其詭說今日欲定臧否可出頭來看襄城公何妥自行如意座首少林寺等行禪師發憤而起諸僧止之曰今日事大天帝在此不可造次

應對之間復須機辯衆共謀說若非蜀炫無以對揚共推如意以將付炫炫既執如意謂張賓曰先生所陳大道清虛淳一無雜又云風教先被中夏者未知風教之起自何時所說之教教于何處又言佛法不容本土客寓中華可辯道是何時生佛是何時出賓曰聖人出世有何定時說教興行有何定處道教舊來本有佛法近自西來炫曰若言無時亦應無出若無定處亦應無說舊來本有非復清虛上請天曹豈得無雜壽與天地同畢豈得無始無終賓曰道入浪語爲前王無識留汝

等輩得至于今今日聖帝盡須殺卻帝惡其理屈令舍人謂之曰賓師且下賓既退帝自昇高座言曰佛法中有三種不淨納耶輸陀羅生羅睺羅此主不淨一也經律中許僧受食三種淨肉此教不淨二也僧多造罪過好行姦淫佛在世時徒衆不和遙相攻伐此衆不淨三也主法衆俱不淨朕意將除之以息虛幻道法中無此事朕將留之以助國化顧謂炫法師曰能解此三難真見道法之中三種不淨又甚于此按天尊處紫微宮恒是好人炫應聲謂曰陛下所陳竝引經論誠非謬言但見道法之中三種不淨又甚于此

侍五百童女此主不淨甚于耶輸陀羅之一人道士教中章醮請福之時必須鹿脯百杵清酒十斛此教不淨又甚於三種淨肉道士罪過代代皆有千古亂常姜斌犯法此又甚于衆僧僧衆自造罪過乃言佛法可除猶如至尊享國嚴設科條不妨逆子叛臣相繼而出豈以臣逆子叛遂欲空于大寶之位耶大寶之位固不可以臣子叛逆而空佛法正真豈得以衆僧犯罪而廢炫雅調抑揚言音朗潤雖處大節曾無懼顏帝愕然良久謂炫曰所言天尊侍五百童女出何經炫曰出道三皇經

帝曰三皇經何曾有此語炫曰陛下自不見非是經上無文今欲廢佛存道猶如以庶代嫡帝動色而下因入內羣臣僧衆皆驚曰語觸天帝何以自保炫曰王辱臣死就戮如歸有何可懼乍可早亾遊神淨土豈與無道之君同生于世乎衆壯其言明日出敕二教俱廢法師與全學三人赴齊都時周齊之界皆被槍布棘有富姥姓張鋪毡三十里令炫得過至齊盛爲三藏名振東國武帝破鄭先遣追求帝弟越王宿與法師厚恐帝肆怒橫加異責乃鞭背成痕俗服將見越王先爲言曰臣恨

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

其逃命已杖六十，令脫衣見帝。帝變色曰：恐其懷慚遠逝以至死亾。所以急追原無害意。責越王曰：大丈夫何得以杖捶相辱。待遇彌厚。與還京師。武帝崩。脩文作相大弘佛法。兩都歸趨一人而已。歲景將秋。懷土興念。又以蜀川迢遠。與義未宣。援首西歸。心存敷暢。蜀王秀未之知也。時長史周宣明入朝。赴考。隋文帝謂之曰：炫法師安和耶。宣明驚惶。莫知所對。文帝曰：一國名僧。卿遂不識。何成檢校。宣明稽首陳謝。死罪。及還。先往寺奉禮。寺舊在東。逼于苑囿。又是鄱陽王葬母之所。王旣至孝。

故名孝愛寺。宣明移就供養無缺。法師宣揚覺倦。入三學山。觸目多感。遂遊山作詩曰：秀嶺接重烟。欵岑上半天。絕巖低更舉。危峯斷復連。側石傾斜澗。廻流瀉曲泉。野紅知草凍。春來鳥自傳。樹錦無機織。猿鳴詎假弦。葉密風難度。枝疎影易穿。抱表依閑沼。策杖戲荒田。遊心清漢表。置想白雲邊。榮名非我願。息意且蕭然。年一百歲。不病而卒。

釋慧思。姓李。武津人。少以弘恕慈育知名。嘗夢梵僧勸令出俗。辭親入道。數感神僧訓令齋戒。奉持守素。梵行

清慎及稟具足道志彌隆廻栖幽靜常坐綜業日唯一食不受別供周旋迎送都皆柱絕誦法華等經三十餘卷數年之間千遍便滿又夢梵僧數百形服瓊異上座命曰汝先受戒律儀爲勝祈請師僧四十二人加羯磨法具足成就後忽驚悟方知夢受自斯已後勤務更深尅念翹專無棄昏曉坐誦相尋用爲恒業由此苦行得見三生所行道事又夢彌勒與諸眷屬同會龍華心自惟竝全供養又夢隨從彌勒與諸眷屬同會龍華心自惟我于釋迦末法受持法華今值慈尊感傷悲泣豁然初禪自此禪障忽起四肢緩弱不勝行步身不隨心即自觀察我今病者皆從業生業由心起本無外境反見心源業非可得身如雲影相有體空如是觀已顛倒想滅心性清淨所苦消除又自傷生爲空過深懷慚愧放

卷之三

卷

十一

身倚壁背未至間霍爾開悟法華三昧大乘法門十六
特勝便自通徹後徃鑒最等師述已所證皆蒙隨喜研
練逾久前觀轉增名行遠聞四方欽德學徒日盛機悟
日繁乃以大小乘中定慧等法敷揚引喻用指自他時
冥空有聲曰若欲修定可徃武當南岳是入道山也以
齊武平之初背此嵩陽領徒南逝初至光州值梁孝元
領覆國亂前路梗塞權止大蘇山數年之間歸從如市
其地陳齊邊境兵又所衝佛法云崩五衆離潰其中英
挺者皆輕生重法跨險而到者填聚山林思供以事資
誨以理味又以道俗福施造金字般若二十七卷金字
法華瑠璃寶函莊嚴炫曜功德傑異大發衆心又請講
二經卽而叙構后命江陵智顥代講金經至一心具萬
行處顥有疑焉思爲釋曰汝向所疑此乃大品次第意
耳未是法華圓頓旨也吾昔夏中苦節思此後夜一念
頓發諸法吾旣身證不勞致疑顥卽諮詢受法華行法三
七又諮詢師位卽是十地思曰非也吾是十信鉄輪位耳
時又將四十餘僧徑趣南岳陳光大二年六月二十二
日至止告曰吾寄此山正當十載過此已后必事遠遊

又曰吾前世時曾履此處巡至衡陽直一佳所林泉疎淨見者悅心思曰此古寺也吾昔曾住依言掘之果獲房殿基址僧用器皿又往巖下吾此坐禪賊斬吾首由此命終有全身也僉共尋覓乃得枯體一聚又下細尋便獲骸骨思得而頂之爲起勝塔敕承靈應乃迎下都止栖玄寺嘗徃瓦官遇雨不濕履泥不汚僧正慧嵩與諸學徒相逢于路曰此神異人如何至此舉朝屬道俗傾仰大都督吳明徹敬重之至奉以犀枕別將夏侯孝威徃寺禮覲在道念言吳儀同所奉枕者如何可見

比至思所壯行致敬便語威曰欲見犀枕可徃視之又千一日忽有聲告洒掃庭宇聖人尋至卽如其語須臾思到威恆仰之人船供給送別江渚思云寄于南岳止十年耳年滿當移每年陳主三信參勞供填衆積榮盛莫加說法倍常臨將終時從山頂下半山道場大集門學連日說法苦切訶責聞者寒心因屏衆欵念泯然命盡小僧靈辯見氣乃絕號吼大呌思便開目曰汝是惡魔我將欲去衆聖晏然相迎極多論受生處何意驚動妨亂吾耶癡人出去因更攝心諦坐至盡咸聞異香陳

太建九年六月二十二日取駁十年宛同符契。釋智顥字德安姓陳顥川人有晉遷都寓居荊州之華容卽梁散騎益陽公第二子也母徐氏夢香烟五彩榮廻在懷及誕育之夜室內洞明忽有二僧扣門曰善哉兒德必當出家言訖而隱賓客異焉眼有重瞳臥便合掌坐必面西年大以來口不妄瞰見像便禮逢僧必敬年十有八投湘州果願寺沙門法緒而出家焉緒授以十戒道品律儀仍拜卽詣慧曠律師北面橫經具蒙指誨因潛大賢山誦法華經及無量義普賢觀等二旬未淹三部究竟又詣光州大蘇山慧思禪師受業又從道於就師就又受法于最師此三人者皆不測其位也思每嘆曰昔在靈山同聽法華宿緣所追今復來矣卽示普賢道場爲說四安樂行顥乃於此山行法華三昧始經三夕誦至藥王品心緣苦行至是真精進句解悟便發見共思師處靈鷲山七寶淨土聽佛說法故思云非爾弗感非我莫識此法華三昧前方便也又入熙州白沙山入觀于經有疑輒見思來冥爲披釋爾後常令代講聞者伏之唯于三昧三觀智用以諮詢自餘竝任

宇滿山矣。時陳宣帝下詔曰。禪師佛法雄傑。時匠所宗訓兼道俗。國之望也。宜割始豐縣調以充衆費。蠲兩戶民用供薪水。天台山縣名爲樂安。令陳郡袁子雄崇信正法。每夏常講淨名。忽見三道寶階從空而降。有數十梵僧乘階而下。入堂禮拜。手擎香爐。遶顙三匝。久之乃滅。雄及大衆全見驚嘆。永陽王伯智出撫吳興。與其眷屬就山請戒。又建七夜方等懺法。王晝則理治。夜便習觀頤。謂門人智越曰。吾欲勸王更修福禳禍可乎。越對云。觀頤謂門人智越。吾欲勸王更修福禳禍可乎。越對云。府僚無舊。必應寒熱。頤曰。息世訛嫌。亦復爲善。俄而王因出獵。墮馬將絕。時乃悟意躬自率衆作觀音懺法。不久王覺小醒。憑几而坐。見梵僧一人擎爐直進。問王所苦。王流汗無答。乃達王一匝。翕然痛止。仍躬著願文。於即化移海岸法政。甌閩陳疑請道。日升山席。陳帝意欲面禮。將伸謁敬。顧問羣臣。釋門誰爲名勝。陳暄奏曰。瓦官禪師德邁風霜。禪境淵海。昔在京邑。羣賢所宗。今高步天台法雲。東藹願陛下詔之還都。使道俗咸荷。因降璽書重沓徵入。前后七使竝。帝手疏頤以道通惟人。王爲法寄。遂出都焉。迎入太極殿之東堂。請講智論。有詔

羊車童子引導于前。主書舍人翊從登階禮法一如國師璀璨梨故事。陳王旣降法筵，百僚盡敬。希聞未聞奉法承道，因卽下赦立禪衆于靈耀寺。學徒大結望衆森然，頗降敕于太極殿講仁王經。天子親臨，僧正慧曇、僧都慧曠、京師大德皆設巨難。顥接問承對，盛啟法門。煦執爐賀曰：國十餘齋身當四講，分文析義，謂得其歸。今日出星收見，巧知陋矣。陳王子廣德殿下赦謝云：今以佛法仰委，亦願示諸不逮。于時檢括僧尼，無貫者萬計。朝議云：策經落第者，竝合休道。顥表諫曰：調達誦六萬。

象經不免地獄盤特誦一行偈獲羅漢果。篤論道也。豈開多誦陳王大悅，卽停搜簡，未爲靈耀福臨。更求閑靜忽夢一人翼從嚴正，自稱名云余冠達也。請住三橋。顥曰：冠達梁武法名，三橋豈非光宅耶？乃移居之。其年四月，陳主幸寺修行大施，又講仁王帝於衆中起拜。殷勤儲后已下，竝崇戒範。會大業在藩，任總淮海，承風佩德。欽注相承，欲遵一戒法奉以爲師。乃致書累請。顥於揚州總管金城設千僧會，敬屈授菩薩戒。卽于內第躬傳戒香，授律儀法。王頂受其旨，顥欲返故林。王固請拂衣。

而起王不敢重邀合掌尋送至于城門王禮望目極銜泣而返便沂流上江重尋匡嶺結徒行道頻感休徵百越邊僧聞風至者累跡相造遂于當陽縣玉泉山立精舍其地昔惟荒嶮神獸蛇暴創寺之後快無憂患是春亢旱顥到泉源帥衆轉經便感雲興雨注總管宜陽公王積到山禮拜戰汗不安出曰積屢經軍陣臨危更勇未嘗怖懼頓如今日其年晉王又遣手疏請還後蕭妃疾顫又率侶建齋七日行金光明懺至第六夕忽降異

鳥飛入齋壇宛轉而死須臾飛去又聞承吟之聲架竝全矚顧曰此相現者妃當愈矣至于翌日患果遂瘳王大喜慶時遇入朝旋歸台岳躬率禪門更行前懺仍立誓云若於三寶有益者當限此餘年若其徒生願速從化不久告衆曰吾當卒此地矣所以每欲歸山今奉冥告勢當將盡死後安措西南峯上累石周屍植松覆坎仍立白塔使見者發心

釋慧遠姓李，燉煌人。後居上黨之高都。天縱殊朗，儀止冲和，切喪其父與叔同居。每見沙門愛重崇敬，十三辭

叔往澤州東山古賢谷寺時有華陰沙門僧思禪師見而度之初令誦經隨事訓誨六時之勤未勞呼策年十六師乃令隨闍梨湛律師住鄴大小經論普皆博涉偏重大乘以爲道本年滿進具文依上統證戒更就大隱律師聽四分律剖析約斷皆理會文合契拔微奧負笈誼集乃携諸學侶返就高都之清化寺焉衆緣歡慶歎所未聞各出金帛爲之興會講堂寺宇一時崇敞韓魏士庶通共榮之及承光二年春周氏尅齊便行廢教敕前修大德竝赴殿集武帝自昇高座叙廢立義命章云

清高仲 手稿

卷二

卷之三

卷之三

嘵俗致詞憲章三教詔云真佛無像信如誠旨但耳目生靈頗經聞佛藉像表真若使廢之無以興敬帝曰虛空真佛咸自知之未假經像遠曰漢明已前經像未至此土衆生何故不知虛空真佛帝時無答遠曰若不藉經教自知有法三皇已前未有文字人應自知五常等法爾時諸人何爲但識其母不識其父同于禽獸帝亦無答遠又曰若以形像無情事之無福故須廢者國家七廟之像豈是有情而妄相尊事武帝不答前難詭遙後言乃云佛經外國之法此國不用七廟上代所立朕

亦不以爲是。將同廢之。遠曰。若以外國之經廢而不用者。仲尼所說。出自魯國。秦晉之地。亦應廢而不學。又若以七廟爲非。將欲廢者。則是不尊祖考。祖考不尊。昭穆失序。昭穆失序。則五經無用。前有儒教其義。安在爾。則三教同廢。將何治國。帝曰。魯邦之與秦晉。雖封域乃殊。莫非王者一化。故不類佛經。七廟之難。遠曰。若以秦魯同尊一化。經教通行者。震旦之與天竺。國界雖殊。莫不同在閻浮四海之內。輪王一化。何不同遵佛經。而今獨廢。帝又不答。遠曰。陛下向云退僧還家。崇孝養者。孔經

亦云立身行道以顯父母卽是孝行何必還家方名爲孝帝曰父母恩重交資色養棄親向疎未成至孝遠曰陛下左右皆有二親何不放之乃使長役五年不見父母武帝云朕亦依番上下得歸侍奉遠曰佛亦聽僧冬夏隨緣修道春秋歸家侍養故目連乞食餉母如來擔棺臨葬此理大通不可獨廢帝又無答遠抗聲曰陛下今恃王力自在破滅三寶阿鼻地獄不據貴賤陛下何得不怖帝勃然大怒面有瞋相直視于遠曰但令百姓得樂朕何辭地獄諸苦遠曰陛下以刑法化人現種苦

業當共陞下同趣。阿鼻何處有樂可得。帝理屈無答。乃下敕云。僧等且還。後當更集。有司錄取諭僧姓字。當斯時也。齊國初殄周兵。雷震見遠。抗詔莫不流汗。咸謂粉其身骨。煮以鼎鑊。而遠神氣嵬然。辭色無撓。上統衍法師等執遠手泣而謝曰。天子之威如龍火也。難以犯觸。汝能窮之。大經所云護法菩薩應當如是。彼不悛革。非汝咎也。遠曰。正理須申。豈顧形命。卽辭諸德曰。時運如此。聖不能違。遂潛于汲郡西山。勤道無倦。三年之間。誦法華維摩等各一千遍。大象二年。天元微開佛化東西。

兩京各立陟岵大寺置菩薩僧頒告前德詔令安置大
 隋受禪天步廓清開皇之始蒙預落髮舊齒相趨翔于
 雉邑法門初闢遠近歸奔遠名馳帝闕下赦授洛州沙
 門都匡任佛法辭不獲免開皇五年爲澤州刺史千金
 公請赴本鄉七年春住定州途由上黨留連夏講尋下
 垇書懸懃重請辭又不免便達西京帝親臨御筵敷述
 聖化通孚家國上大悅敕住興善寺勞問豐華供事隆
 倍又選天門之南大街之右東西衝要遊聽不疲因置
 寺焉名爲淨影常居講說弘叙玄奧辨暢奔流于是四
 方投學七百餘人皆海內英華法輪前轍望京趣寺爲
 法道場遠開皇十二年春卒于淨影寺

釋慧因姓王吳郡海鹽人晉太常寶之後胤祖朴梁散
 騎常侍父元顯梁中書舍人竝碩學英才因稟靈溫裕
 十二出家聽瓊法師授成實曾未具戒便齊入室乃詣
 鐘山慧曉智確二禪師請授調心觀法定水既清道思
 過肅又造長干辨法師稟學三論窮寔相微言辨後歸
 附山林便以學徒相委受業弟子五百餘人踵武傳燈
 將三十載陳太建八年安居之始忽感幽使云王請法

師部從相誼，絲竹交響，當卽氣捨時經七夕。若起深定學徒請問，乃云試看箱內見有何物。尋檢有絹兩束。因曰：此爲覲遺耳。重問其故，曰：吾被閻羅王召夏坐，講大品般若干冥道中。謂經三月，又見地獄衆相五苦次第。非夫慈該幽顯，行極感通，豈能赴彼冥圻，神遊異域。隋仁壽三年，起禪定寺，搜揚寓內，遠招名德，遂奉因爲知事上座，頻講三論，并製文疏，要約標控。學者高舉，大唐弘運重興，佛日舉十大德，當其一焉。因定慧兩明，空有兼照。弘法四代，常顯一乘。而莫競物情，喜怒無色。故達

其道者，莫測其位。以貞觀元年二月十二日卒于大莊嚴寺，春秋八十有九。

釋法常，姓張，南陽白水人。高祖隆仕魏，因移于河北郡焉。少踐儒林，情欣田家。年十九，投曇延法師剃落。學不逾歲，卽講涅槃道俗聽者咸奇理趣。年二十二，攝論初興，隨聞新法。秦齊趙魏靡不周行。時積五年，鑽覈名理。至于成寔、毗曇、華嚴地論，博考同異，皆爲軌轍。隋齊王暕召結時望，盛演釋經，常預法座，敷陳至理。詞義弘遠，僉共美之。大業之始，榮唱轉高，爰下敕旨入大禪定相

尋講肆成濟極多唐運初興遐邇清晏四遠投造增倍
于前貞觀之譯證義所資下敕徵召恒知翻任後造普
光宏壯華敞又召居之衣服供給四時隨改又下敕令
爲皇儲受菩薩戒禮敬之極衆所傾心貞觀九年又奉
敕召入爲皇后戒師因卽敕補兼知空觀寺上座弘導
法化前後預聽者數千及學成返國新羅王子金慈藏
輕忽貴位棄俗出家遠聞虔仰思覩言令遂架山航海
遠造京師乃于船中夢想顏色及額形狀宛若夢中悲
涕交流欣其會遇因從受菩薩戒盡禮事焉十四年有

僧犯過，下敕普責京寺大德綱維，因集于玄武門，召常上殿論及僧過。常曰：「僧等蒙荷恩惠，得預法門，不能躬奉教綱，致有上聞天聽。特由常等寡于訓誨，耻愧難陳，遂引涅槃付囑之旨，上然之。因宥大理獄囚百有餘人，又延設供食訖而退。因染餘疾，右脇而終于住寺。春秋七十有九，乃貞觀十九年六月二十六日，七月二日葬于南郊高陽之原。」

釋道積河東安邑人姓相其先鄭大夫子產之苗裔積早習丘墳神氣爽烈至年二十遇律師洪湛見而異之

卽爲荆落晦迹雙巖又依法朗禪師希求心學絕影三載開皇十三年辭師攜鉢周行採義路經滄海冀就遠行寺普興法師尋學涅槃乃經四載清通三事至十八年入于京室依寶昌寺明及法師諮詢地論又依智凝法師攝大乘論于十義熏習六分仁壽三年又往并州武德寺法稜所聽採地持故得十法三持四年七月楊諒作亂遂與同侶素傑諸師南旋蒲坂既達鄉壤法化大行先講涅槃後敷攝論先是沙門寶澄隋初于普救寺創營大像百尺萬工纔登其一不卒此願而澄早逝

鄉邑耆艾請積繼之受請之夕寢夢崖傍見二師子千大像側連吐明珠相續不絕旣覺惟曰獸王自在則表法流無滯寶珠自涌又喻財施不窮冥運潛開功成斯在其寺蒲坂之陽嵩高華博東臨州里南望河山像設三層巖廊四合上坊下院赫奕相臨園確田蔬周環俯就而弊衣蔬食輕財重命普救殷贍追靜歸閑經隋季擁閉海東通守堯君素鎮守荒城偏師肆暴欲議諸沙門登城守固敢諫者斬縕素同憂積憤歎內發不顧形命謂諸屬曰時乃盛衰法無隆替沙門塵外之賓迹類

高世。何得執戈擐甲。爲禦侮之卒乎。遂引沙門道懸神素。歷階厲色而諫曰。貧道聞人不畏死。不可以死怖之。今視死若生。但懼不得其死。死而有益。是所甘心計城之存亡。公之畧也。世之否泰。公之運也。豈五三虛怯而能濟乎。昔者漢欽四皓。天下隆平。魏重干木。舉國大治。今欲拘繫以從軍役。反天常以會靈祇。恐納不祥之兆耳。公若索頭與頭。仍爲本願。必縱以殘生。逼充步甲者。則不知生爲何生死爲何死。積陳此語。傍爲寒心。素初聞諫。重積詞氣。但張目直視曰。異哉斯人也。何乃心氣

若斯之壯耶。因捨而不問，果詣積陳懨。堯素以殺戮無
度，騁其毒心，兼又舉意輕陵，卒爲城人薛宗所害。積以
貞觀十年九月十七日終于本寺，春秋六十有九。

釋玄琬姓楊弘農華陰人也居雍州之新豐青衿悟道
屢操冲明在志學年方遊法苑事沙門曇延法師振領
宏標隋文欽重立寺處之琬位居入室恭恪據懷及進
具後便隨洪遵律師服膺四分涉津三載便事敷演乃
旋踵本師涅槃真體據掇新異妙寫幽微又欲欽佩惟
識包舉理性于曇遷禪師稟學攝論并尋閱衆鋒窮其

卷之三

心計法華大集楞伽勝鬘地論中百等竝資承茂實研
察新聞延師存日願造丈六釋迦經畧未圓奄便物故
誓志營復尅遂先模于仁壽二年提洽有緣便事鑪錘
當時空色清明果日流輝上天雨華狀如雲母滿空飄
洒終墜像前及開模之後雅相逾圓每于靜夜清朝飛
流入音之響又造經四藏備盡莊嚴諸有繕寫皆資本
據又以二月八日大聖誕沐之晨開講設齋逮貞觀初
年以琬戒素成治朝野具瞻有召敕爲皇太子及諸王
等受菩薩戒故儲宮以下師禮崇焉令造普光寺召而

居之又別敕延入爲皇后六宮并妃王等受戒椒掖問德禁中授納法財日逾填委而欽若自守不顧有餘觀施所資悉營功德尋敕于苑內德業寺爲皇后寫見在藏經竝委監護昔育王再集于周時今琬定宗于唐世厥致齊焉然其苦節自修言爲世範僧尼從受具戒者三千餘人王公僚佐爰及皂隸從法歸戒者二十餘萬左僕射蕭瑀兄弟人倫藻鏡久厭昧爛每詰法華會三之旨龍樹明中之教沉吟移景奉佩而旋右僕射杜如晦臨終委命召爲歷劫師資大將軍薛萬徹昆季并及

母氏竝欽崇戒約蔬素形終琬致書皇太子請少殺生東宮內外咸減肉料則曆長命久仁育斯隆三順氣者如經不殺曰仁仁主肝肝者木也春陽之時萬物盡生宜育羣品用答冥造如經年三月六齋能潔六根便資五福伏願遵行受持齋戒登卽下詔斷殺起于三月盡于五月琬以仁育兼濟乃上啟更延帝又特聽盡于歲暮貞觀十年杪冬遘疾又致啟東宮累以大法又上遺封表又遺誠門人在于道檢言極詳切讀者垂淚遂以臘月七日卒于延興寺春秋七十有五道俗失依皇儲

哀慟天子下詔情深惻悼賜物齋殯須由天府特進蕭
瑀太府蕭璪宗正李伯藥詹事杜正倫等竝親奉戒約
躬盡哀禮後旋殯山寺幢蓋相映香華蔽空從者如雲
衆盈數萬前儕遠達于終南後塵猶繼于城闕四十里
間皂素充道弟子等五百餘人奉遵遺旨依法闡維于
焚所建佛塔一區

釋法琳姓陳頴川人少出家遊獵儒釋博綜詞義金陵
楚郢從道問津野栖木食於青溪等山晝則承誨佛經
夜則吟覽俗典隋季承亂權捨法服武德初運還蒞釋

宗乃住京師濟法寺至武德四年黃巾深忌佛法上廢
佛法事者十有一條云釋經誕妄言妖事隱損國破家
未聞益世請胡佛邪教退還天竺凡是沙門放歸桑梓
則家國昌大李孔之教行焉武皇行之下詔問曰棄父
母之鬚髮去君臣之章服利在何間之中益在何情之
外損益二宜請動妙釋琳憤激傳詞側聽明敕承有斯
問卽陳對曰琳聞至道絕言豈九流能辨法身無象非
十翼所詮但四趣茫茫漂淪欲海三界蠢蠢顛墜邪山
諸子迷以自焚凡天溺而不出大聖爲之興世至人所

以降靈遂開解脫之門示以安隱之路于是中天王種辭恩愛而出家東夏貴遊厭榮華而入道誓出二種生死志求一妙涅槃弘善以報四恩立德以資三有此其利益也毀形以成其志故棄鬚髮美容變俗以會其道故去君臣華服雖形闕奉親而內懷其孝禮垂事主而心戢其恩澤被怨親以成大順福沾幽顯豈拘小違琳乃著破邪論原夫實相杳冥法身凝寂唯我大師量法界而興悲揆虛空而立誓現生穢土誕聖王宮示金色之身吐玉毫之相布慈雲于鷲嶺則火宅燄銷扇慧風

于雞峯則幽途霧卷行則金蓮捧足坐則寶座承軀出
則天王導前入則梵王從后聲聞菩薩儼若朝儀八部
萬神森然翊衛宣涅槃則地現六動說般若則天雨四
花百福莊嚴狀滿月之臨滄海千光照曜如聚日之映
寶山師子一吼則外道摧鋒法鼓贊鳴則天魔稽首是
故號佛爲法王也但以時運未融致令漢梵殊感故西
方先音形之奉東國後見聞之益及慈雲卷潤慧日收
光廻夢金神于永平之年覩靈骨于赤鳥之歲于是漢
魏齊梁之政像教勃興燕秦晉宋已來名僧間出或神

力救世。或異迹發人。或慧解開神。或通感適化。及白足
臨。及不傷遺法。爲之更始。誌上分身員戶。帝王以之加
信。竝使功被將來。傳燈永劫。謹上破邪論一卷。用擬傳
詞。東庶宮子虞世南詳琳著論。乃爲之序。貞觀初年。帝
于南山大和宮舊宅。置龍田寺。琳性欣幽靜。就而住之。
舉知寺任。從容山服詠歌林野。至十三年冬。有黃巾秦
世英者。挾方術以邀榮。遂程器于儲貳。素嫉釋種。陰陳
琳論。謗訕皇宗。罪當罔上。帝勃然下赦。沙汰僧尼。乃訪
琳身。據法推勘。琳扼腕奮發。不待追徵。獨詣公庭。輕生

徇理乃繫以繩緝下詔問曰周之宗盟異姓爲後尊祖重親實由先古何爲追逐其短首尾兩端廣引形似之言備陳不遜之喻犯毀我祖禡謗穢我先人如此要君罪有不恕琳答曰文王大聖周公大賢追遠慎終昊天靡答孝悌之至通于神明雖有宗周義不爭長何者皇天無親竟由輔德古人黨理而不黨親不自我先不自我後雖親有罪必罰雖怨有功必賞賞罰理當故天下和平又云吾師名佛佛者覺一切人也乾竺古皇西昇逝矣討尋老教始末可追日授中經示誨子弟言吾師

者善入泥洹綿綿常存吾今逝矣今劉李所述謗滅老子之師世莫能知著茲辨正論有八卷畧對道士六十餘條竝陳史籍前言實非謗毀家國具狀奏聞赦云所著辨正論信毀交報篇曰有念觀音者臨刃不傷且赦七日令爾自念試及刑決能無傷不琳外纏桎梏內迫刑期水火交懷訴仰無路乃緣生來所聞經教及三聖尊名銘誦心府擬爲顯應至于限滿忽神思飄勇橫逸胸懷歡慶相尋頓忘死畏立待對問須臾敕至云今赦期已滿當至臨刑有何所念念有靈不琳援筆答曰自

隋季擾攘、四海沸騰、疫毒流行、干戈競起、興師相伐、各擅兵威、臣俟君荒、不爲正治、遏絕王路、固執一隅、自皇王弔伐、載清陸海、斯寃觀音之力、咸資勢至之恩、比德連蹤、道齊上聖、救橫死于帝庭、免淫刑于都市、琳于七日已來、不念觀音、唯念陛下、赦治書侍御史韋悰、問琳有詔令念觀音、何因不念、乃云唯念陛下、琳答伏承觀音聖鑒、塵形六道、上天下地、皆爲師範、然大唐光宅四海九州、奉職八表、刑清君聖、臣賢不爲枉濫、今陛下子育恒品、如經卽是觀音、旣共靈鑒相符、所以唯念陛下

且琳所著正論，爰與書史倫同。一句參差，任從斧鉞陞
下。若順忠順正，琳則不損一毛。陛下若刑濫無辜，琳則
有伏屍之痛。具以事聞，遂不加罪。有下赦，徙于益部。僧
寺行至百牢關，菩提寺因疾而卒。時年六十九。乃召諸
關傍道俗，葬于東山之頂。高樹白塔勒銘志之。
釋智晞，姓陳，潁川人。童稚不羣，幼恆物外。見老病死達
世浮危，深加厭離。訪尋勝境，伏聞智者抗志台山。丹誠
馳仰，年登二十，始獲奉值。律儀具足，稟受禪訣。樂三昧
者，咸共歸仰。宴坐之暇，時復指撫創造伽藍殿堂房舍。

悉皆嚴整。惟經臺未構，始欲就工，有香爐峯山巖峻嶮，林木秀異，然彼神祇，巨有靈驗。自古已來，無敢視其峯。崖登踐而採伐者，時衆議曰：「今既營臺，供養法寶，惟尙精華，豈可率爾而已？」其香爐峯檉栢木中精勝，可共取之，以充供養。論詳既訖，徃詣于曉，良久答云：「山神獲惜不可造次。爾夜夢人送疏云：香爐峰檉栢樹盡皆捨給，經臺既感冥示，卽便撫畧分部人工，入山採伐。侍者諮曰：昨日不許，今那取之？」答曰：「昨由他，今由我，但取無苦。」從肯往取，檉栢之樹，唯嶮而生，竝皆取得，一無留難。先

師智者陳曰勸化百姓從天台渚次訖于海際所有江
溪竝捨爲放生之池永斷採捕隋國旣亾後生百姓競
立梁筭滿于江溪天傷水族乃共頂禪師徃先師龕房
燒香兜願當有漁人見僧在筭上立意謂墮水將船徃
救僅到便無因爾梁筭皆不得魚仍停採捕時有僧法
雲欲徃香爐峯頭陀睇諫曰彼山神剛強卿道力微弱
向彼必不得安慎勿徃也雲不納旨遂徃到山不盈二
宿神卽現形驅雲令還自陳其事方憶前旨深生敬仰
有弟子道亘在房誦經自徃喚云今晚當有僧來言竟

8

1
2
3
4
5
6
7
8
9
90
1
2
3
4
5
6
7
8
9
100
1
2
3
4
5
6
7
8
9
10

四

仍向門下。卽見一僧。純著衲衣。執錫持鉢。形神爽俊。有異常人。從外而來。相去二十餘步。纔入路東。隱而不見。俄頃之間。卽聞東山有銅鐘聲。大音震谷。便云噫喚。吾也。未終數日。語弟子云。吾命無幾。可作香湯洗浴。適竟。山中鳥獸異色殊形。常所不見者。竝皆來集房側。履地騰空。悲鳴喚呼。經日方散。十二月十七日夜。跏趺端坐。仍執如意。說法辭理。深邃既竟。告弟子曰。吾將汝等造次相值。今當永別。會遇靡期。言已寂然無聲。良久。諸弟子哭泣。便開眼誠曰。人生有死。物始必終。世相如是。寧墳在光師智者龕前二百餘步。有絃管聲。合衆皆聞。良久乃息。春秋七十有二。所窪龕。今日四十九年。背不著牀。吾不負信施。不負香火。汝等可自勤策行道。力不負人。弟子因諮當生何所。答云。灌吾見夢。報在兜率宮殿。青色居天西北。見智者大師。左右有諸天人。皆坐寶座。惟一座獨空。吾問所以。答云。灌頂。郤后六年。當來昇此。說法春秋七十有二。以貞觀元年十二月十八日午時。結跏安坐。如入禪定。時虛空中。

釋義褒姓薛常州晉陵人齊相孟嘗君之後吳名臣綜
瑩之胤也天體高遠履性明朗出家已後遊談在務周
流會稽統御法筵初從蘇州永定寺小明法師稟學華
嚴大品辭往縉雲山婺州永安寺曠法師所傳經述論
三十餘年馳名三輔後住東陽金華法幢寺弘道不倦
京邑承風以事聞奏下敕徵延便卽入朝時翻經三藏
玄奘法師時在慈恩創開宏旨有空雙遣藥病齊亾乃
負氣盱衡傲然亂舉褒爲提紐解決疎刷神襟責以三
關徵研五句詳括文義統略悟迷于時英彥皆預席端
歎其疎拔之神奇伏其辨洽之銛利宰輔冠蓋傾仰德
音留連言晤寫送無絕顯慶三年冬零祈雪候內設福
場敕召入宮令與東明觀道士論義有道士李榮立本
際義褒問曰旣義標本際爲道本於際爲際本於道耶
答曰互得又問道本於際際爲道本亦可際本於道道
爲際原答亦通又曰若使道將本際互得相反亦可自
然與道互得相法答曰道法自然自然不法道又曰若
道法自然自然不法道亦可道本於本際本際不本道
榮旣被難不能報便下座天子欣然內宮嗟賞

釋威秀博達多能講宣是務志存負荷勇而有儀其於筆語掞張特推明敏無何天皇卽位龍朔二年四月十五日敕勒僧道咸施俗拜時則僧徒惶惑罔知所裁秀嗟教道之中微歎君王之慢法乃上表稱沙門不合拜徵引諸史爰歷累朝引經律論以爲量果詞皆婉雅理必淵明如云出家不存家人之禮出俗無需處俗之儀其道顯然百代不易之令典也表上勅百官集中臺都議其事時朝宰五百三十九人請不拜三百五十四人請拜時京邑僧等二百餘人徃蓬萊宮申表上請於是

大集西明寺相與謀議共投啟狀諸達官貴戚若救頭然秀之批鱗所謂以身許法也

釋法明，荆楚人，博通經論，外善羣書，辯給如流，戒範堅正。中宗朝入長安，遊訪諸高達，適遇詔僧道定奪化胡成佛經真偽。時盛集內殿，百官侍聽。諸龍象抗禦黃冠，翻覆未安。線縕難定，明初不預其選。出場問道流曰：「老子化胡成佛，老子爲作漢語化爲作胡語化？若漢語化胡，胡卽不解；若胡語化此經到此土，便須翻譯。」未審此經是何年月何朝代，何人誦胡語，何人筆受，時道流絕

洪高傳抄寫

卷二

卷二

救無對。公卿莫不歎賞。神龍元年九月十四日下敕曰。
仰所在官吏廢此僞經刻石于洛京白馬寺。

釋一行姓張鉅鹿人。卯歲不羣，讀書不再，覽悟世幻禮寂爲師。出家剃染，所誦經法，無不精諷。寂嘗設大會，遠近沙門，如期必至。計逾千衆，時有徵士盧鴻，隱居於別峯，道高學富，大會主事。先請鴻爲導文序，讚邑社是日。鴻自袖出其文，置之几案。鐘梵旣作，鴻謂寂公曰：某爲數千百言，況其字僻文古，請求朗雋者宣之，當須面指擿而授之。寂公呼行，伸紙覽而微笑，復置几案。鴻怪

至行承其言而入稽首請法盡授其訣焉門前水復東流矣自此聲振遐邇公卿籍甚玄宗聞之詔入謂行曰師有何能對曰略能記覽他無所長帝遂命中官取宮籍以示之行周覽方畢覆其本記念精熟如素所習唱數幅後帝不覺降榻稽首曰師實聖人也嗟歎良久尋乃詔對無恒占其爻福若指予掌言多補益時邢和璞者道術人莫窺其際嘗謂尹愔曰一行和尚真聖人也漢洛下閼造曆云八百歲當差一日則有聖人定之今年期畢矣屬大衍曆出正其差謬則洛下閼之言可信刊之典有王媻者行鄰里之老嫗昔多贍行之貧及行顯遇常思報之一日拜謁云兒子殺人卽就誅矣況師帝王雅重乞奏減死以供母之殘齡如是泣涕者數四行曰國家刑憲豈有論請而得免耶命侍僧給與若干

錢物任去別圖。姪戰手曼罵曰。我居鄰周給迭互綑繩。間拖乳汝長成何忘此惠耶。行心慈愛終夕不樂子。是運算畢召淨人戒之曰。汝曹擎布囊於某坊閑靜地。午時坐伺得生類投囊速歸。明日果有假彘引彘七箇。淨人分頭驅逐。假母走矣。得彘而歸。行已備巨瓮逐一入之。閉蓋以六乙泥封口。誦番語數契而止。投明中官下。詔入問云。司天監奏昨夜北斗七座星全不見。何耶。對曰。昔後魏曾失熒惑星。至今帝車不見。此則天將大儆于陛下也。夫匹夫匹婦不得其所。猶噴霜天旱盛德所喜曰。此真龍也。乃將入壇場一日而雨。

釋澄觀姓夏侯。越州山陰人。觀俊朗高逸。不拘細務。偏尋名山。旁求祕藏。乾元中依潤州棲霞寺體律師學相部律。本州依曇一隸南山律。詣金陵玄璧法師傳。開河三論。大曆中就瓦棺寺傳。起信涅槃。又於淮南法藏受。

海東起信疏義，卻復天竺說法師門，溫習華嚴大經。七年住剡溪，從成慧、量法師，覆尋三論。十年就蘇州，從湛然法師，習天台止觀法。華維摩等經疏解，又謁牛頭山忠師，徑山欽師，洛陽無名師，咨決南宗禪法。復見慧雲禪師，了北宗玄理。大曆十一年，誓遊五臺，一一巡禮。祥瑞愈繁，仍往峨嵋求見普賢，登險陟高，備觀聖像。卻還五臺，居大華嚴寺，專行方等懺法。時寺主賢林，請講大經，并演諸論，因慨華嚴舊疏文繁義約，煥然長想，況文殊主智，普賢至理，二聖合爲毗盧遮那，萬行兼通，卽

是華嚴之義也。吾旣遊普賢之境界，泊妙吉之鄉原，不疏毗盧，有辜二聖矣。觀撰疏，起興元元年正月貞元三年十二月畢功，成二十軸。

釋鑒真，姓淳于，廣陵江陽縣人。總艸俊明，隨父母入大雲寺見佛像，自父求出家。父奇其志，許焉。便就智滿禪師，循其獎訓，屬天后長安元年，詔于天下度僧，乃爲息慈配住本寺。後改爲龍興寺中宗孝和帝神龍元年，從道岓律師受苦薩戒，以戒律化誘，鬱爲宗首。時日本國有沙門榮叡、普照等，東來募法。於開元年中，達于楊州。

爰來請問禮真足曰我國在海之中不知距齊州幾千里雖有法而無傳法人譬猶終夜有求於幽室非燭何見乎願師輶此方之利樂爲海東之導師真問之曰昔聞南岳思禪師生彼爲國王興隆佛法是乎又聞彼國長屋相國名曾造千袈裟來施中華名德復於衣緣繡偈云山川異域風月同天寄諸佛子共結來緣以此思之誠是佛法有緣之地也默許行焉真乃慕比丘思托等十四人買舟自廣陵賚經律法離岸天寶二年六月至越州浦止署風山纔出洋遇惡風濤舟人顧其垂沒

有投棄櫻香木者聞空中聲云勿投棄時見舳艤各有神將介甲操仗焉尋時風定俄漂入蛇海其蛇長三丈餘色若錦文後入魚海魚長尺餘飛沫空中次一洋純見飛鳥集于舟背壓之幾沒洎出島海乏水俄泊一島池且泓澄人飲甘美次達日本其國王歡喜迎入城大寺安止初于盧遮那殿前立壇爲國王授菩薩戒次夫人王子等然後教本土有德沙門度沙彌澄修等四百人用白四羯磨法也又有王子一品親田舍宅造寺號招提施水田一百頃自是已來長敷律藏受教者多彼

國傳戒律之始祖也。以日本天平寶字七年癸卯歲五月五日無疾辭衆坐亾。乃唐代宗廣德元年春秋七十

釋圓照姓張京兆藍田人年十歲依西明寺景雲律師尋究經論訪問師承維摩法華因明唯識涅槃中觀華嚴新經代宗大曆十三年承詔至齊安國寺定奪新舊兩疏是非敕令將二本律疏定行一家時照等序奏云按四分律部自姚秦弘始五年壬寅歲罽賓三藏佛陀耶舍諷出梵文沙門竺佛筆受成四十五卷至十一年

壇大德如淨等於安國寺律院僧行定一本流行遣中官
趙鳳敕尚食局索一千二百六十人齋又敕安國寺三
綱僧行定律疏一切僧俗輒不得入其時天長寺曇遂淨
住寺崇徽西明寺道邃興此本寺寶意神朗智釗超儕
崇福寺超證薦福寺如淨青龍寺惟幹章信寺希照保
壽寺慧徹圓照共奉表謝俄屬德宗卽位改元建中敕
照依大曆新定字樣抄寫進本至十二月送祠部新進
僧行定疏十卷仍乞新舊兩疏竝行敕依照搜集專彼研
尋著大唐安國寺利涉法師傳十卷集景雲先天開元

天寶誥制三卷肅宗代宗制旨碑表集共二卷不空二
藏碑表集七卷隋傳法高僧信行禪師碑表集三卷兩
寺上座乘如集三卷僉定律疏一行制表集三卷般若
三藏續古今翻譯圖記三卷大乘理趣六波羅密多經
音義二卷三教法王本記三卷利言集二卷釋迦佛法
王本記一卷佛現八相成正覺記一卷懺悔罪辯瑞相
記一卷五部律翻譯傳授記一卷莊嚴寺佛牙寶塔記
三卷無憂王寺佛骨塔記三卷傳法三學碑記集十五
卷建中興元貞元制旨釋門表奏記二卷御題章信寺

汝高何子

朱
二

卷之三

詩太子百寮奉和集三卷續開元釋教錄三卷照自序
照于律道頗有功多肅代二朝尤爲傑立

釋真表百濟人家在金山世爲弋獵表多躋捷弓矢最
便當開元中逐獸之餘憇於田畎間折柳條貫蝦蟇成
弗置於水中擬爲食調遂入山網捕因逐鹿由山北路
歸家忘取貫幕至明年春獵次聞幕鳴就水見去年所
貫三十許蝦蟇猶活表於時嘆惋自責曰苦哉何爲口
腹令彼經年受苦乃絕柳條徐輕放縱因發意出家自
惟曰我堂下辭親室中割愛難離慾海由是逃入深山

以刀截髮苦到懺悔舉身撲地志求戒法心心無間念
念翹勤經於七宵詰旦見地藏菩薩手搖金錫爲表策
發教戒緣受方便感瑞應因勇猛過前二七日滿有大
鬼現可怕相推表墜于巖下身無所傷至第三七日質
明有吉祥鳥鳴曰菩薩來也乃見白雲若浸粉然更無
高下山川平滿成銀色世界兜率天主逶迤自在儀衛
陸離圍遶石壇香風華雨爾時慈氏徐步而行至于壇
所垂手摩表頂曰善哉大丈夫求戒如是至於再至于
三蘇迷盧可手攘而卻爾心終不退乃爲授法表身心

江右作指要

卷二

卷之三

和悅猶如三禪意識與樂根相應慈氏躬授三法衣瓦
鉢復賜名曰真表又於膝下出二物乃籤檢之制一題
曰九者一題曰八者各二字付度表云若人求戒當先
悔罪更加一百八籤籤上署百八煩惱名目如來戒人
或九十日或四十日或三七日行懺苦到精進期滿限
終將九八二籤叅合百八者佛前望空而擲其籤墮地
以驗罪滅不滅若百八籤飛逗四畔唯八九二籤卓然
壇心而立者卽得上上品戒若衆籤雖遠或一二來觸
九八籤拈觀是何煩惱名抑令前人重覆懺悔已正將

重悔煩惱籤和九八者擲其煩惱籤去者名中品戒若衆籤埋覆九八者則罪不減不得戒也設加懺悔過九日得下品戒焉慈氏重告誨云八者新熏也九者本有焉囑累已天仗旣廻山川雲霽於是持天衣執天鉢猶如五夏比丘徇道下山聞空中唱言菩薩出山時則人民男女布髮掩泥脫衣覆路邐屨胼胝承足表咸曲訓人情一一廸踐有女子提半端白甌覆于途中表驚忙廻避別行女子怪其不平等表曰適觀甌覆間皆是稀子吾慮傷生避其悞犯耳原其女子本屠家販買得

周易

卷二

卷之三

此布也。自爾常有二虎左右隨行三十來里。就一山坡蹲跪于前。時則桂錫樹枝敷草端坐。四望信士不勸自來同造伽藍。號金山寺。後人求戒。年年誠罪者絕多。釋端甫。俗姓趙。天水人。母張夫人夢梵僧謂曰。當生貴子。卽出囊中舍利使吞之。及誕。所夢僧白晝入其室。摩其頂曰。必當大興法教。言訖而滅。旣成人。高額深目。大頤方口。長六尺五寸。其音如鐘。始十歲。依崇福寺道悟禪師爲沙彌。十七受具于西明寺照律師學。毗尼于崇福寺昇律師傳。唯識于安國寺素法師通涅槃經于福

三百餘粒。賜謚曰大達塔。曰玄秘。

釋良价會稽人。幼歲從師念般若心經。至無眼耳鼻舌身意處。忽以手捲面問師曰。某甲有眼耳鼻舌等。何故經言無師。駭然異之。指謁南泉。值馬祖諱辰修齋。泉問衆曰。來日設馬祖齋。未審馬祖還來否。衆皆無對。師出對曰。待有伴卽來。泉曰。此子雖后生。甚堪雕琢。師曰。和尚莫壓良爲賤。次參鴻山。問南陽忠國師。無情說法話。爲。豎拂子。曰。會麼。師曰。不會。請和尚說。鴻曰。父母所生。口終不爲子說。師曰。還有與師同時慕道者否。鴻指造

雲巖舉前無情說法甚麼人得聞巖曰無情得聞師曰和尚聞否巖曰我若聞汝卽不聞吾說法也師問爲甚麼不聞巖豎起拂子曰還聞麼師曰不聞巖曰我說法汝尙不聞況無情說法乎師曰無情說法該何典教巖曰豈不見彌陀經云水鳥樹林悉皆念佛念法師于此有省乃述偈曰也大奇也大奇無情說法不可思議若將耳聽終難會眼處聞時方始知

釋希圓姓張姑蘇人宗親豪富而獨捨家從登戒法便遊講肆不滯一方勤修三學時推俊邁光啟中居會稽

漢書

卷一

卷之三

卷之三

寶林山寺與時寡合或問之曰吾逍遙乎無形之場同
師子遊戲耳景福中于山寺演暢經論著玄中鈔數卷
勸人急修上生之業且曰非知之難行之爲難圓六時
禮懺未嘗少缺居小房卽瑯琊山頂是山也傳云從瑯
琊臺飛來此處先是屠坊故皆鎮于其下山之家有
甚多靈怪一云此處禹鑄浙江蛟蜃之屬其名曰𧆇𧆇
有雙耳其色蒼黃或緣竹木必風雨至或由石竅入僧
居溝渠中見人不驚握則跳梁如怒狀唯徧入圓房圓
手執炬轉屑就乃爲之受歸戒令勿作風電之妖暨圓

終而多暴風雨也。圓之修習願見彌勒。一日講次屹然坐。終於法座。時衆聞異香天樂七日後已。

釋志玄河朔人攻五天禁呪身衣枲麻布行歷州邑不居城市寺宇唯宿郊野林薄玄有意尋訪名迹至絳州夜泊墓林中其夜月色如晝見一狐從林下將髑髏置之于首搖不落者戴之更取芳草隨葉遮蔽其身逡巡成一嬌嬈女子渾身服素練立于道左微聞東北上有鞍馬行聲女子哀泣悲不自勝少選乘馬郎遇之下馬問曰娘子野外深更號咷何至于此耶女子掩淚紿之

曰賤妾家在易水前年爲父母婢與此土張氏爲婦不幸夫婿去載天亾家事淪薄無所依給二親堂上不知妾如此孤苦痛割心腑不覺哀慟妾思歸寧又不可得乘馬郎曰將謂娘子哀怨別事若願還鄉某是易定軍行爲差使廻還易水娘子可乘其麤乘女子乃收淚感謝方欲攀踏次玄從墓林出曰君子此女子非人也狐化也彼曰僧家豈以此相誣莫別欲圖之乎玄曰君不信可小住吾當與君變女子本形玄乃振錫誦胡語數聲其女子還爲狐走而觸牕草敝其身乘馬郎叩頭悔

過非師之救幾隨妖死

釋崇惠姓章杭州人也。稱年器局出塵徃禮徑山國一禪師勤禪觀以三密教爲恒務初于昌化千頃最峰頂結茅爲庵專誦佛頂呪數稔又徃鹽官硖石東山卓小尖頭草屋俄有神白惠曰師持佛頂少結莎訶令密語不圓莎訶者成就義也今京室佛法爲外教凌轢其危若綴旒待師解救耳惠趨程西上三年戊申九月二十三日太清宮道士史華上奏請與釋宗當代名流角佛力道法勝負于時代宗欽尙空門異道憤其偏重遂于

東明觀壇前架刀成梯史華登躡如常道焉時綯伍互相顧望無敢躡者惠聞之謁開府魚朝恩魚奏請於章信寺庭樹榦橫架鋒刃若霜雪然增高百丈東明之梯極爲低下時朝廷公貴市肆居民駢足摩肩而觀此舉時惠徒跣登級下層有如坦路曾無難色復踏烈火手探油湯仍餐鐵葉號爲飮飪或嚼釤綿聲猶脆飴史華怯懼慙惶掩袂而退時衆彈指歎嗟聲若雷響帝遣中官輦庭玉宣慰再三便賚紫方袍一副詔授號護國三藏敕移安國寺居之

釋桂琛俗姓李常山人童兒便求遠俗齋茹一餐秉心
唯確二親愛縛繼踰城之武事本府萬歲寺無相大師
登戒地學毗尼乃自誨曰持犯束身非解脫也依文作
解豈發聖乎於是誓訪南宗程僅萬里初謁雲居後請
雪峰叅訣勤恪得旨於宗一大師明暗色空廓然無惑
密行累載處衆韜藏遂爲故漳牧太原王公誠請於聞
城西石山建蓮宮而止駐錫一紀有半來往二百衆琛
以秘重妙法岡輕示徒有密學懇求者時爲開演後龍
溪爲軍僕勤州大保鄉那公志請於羅漢院爲衆宣法

遂開方便不數載南北叅徒角立撫州曹山文益江州東禪林復咸傳琛旨各爲一方法眼天成三年戊子秋俄示疾數日安坐而終

釋澄楚姓宗誕生之夕光爛充室洎七歲親黨攜之入寺見佛像輒嗟歎作禮歸家問父曰唯佛獨爾餘者如何父曰蠢動皆佛何況于人楚曰兒願學佛聊報二親劬勞其父許之至十歲于相國寺禮智明爲師有童子聚戲而招誘之楚曰汝何好嬉戲耶雪山善財亦童子還如是否旁有聞者奇之曰子異日成法門偉器必矣

受具已來習新章律部輒入毗奈耶窟究其擊難酬答露牙伸爪時號律虎王公大人請益者日衆晉高祖聞而欽仰詔入內道場賜紫袈裟號真法大師自此皇宮妃主有慕法者從楚落髮度戒命爲新章律宗主焉以顯德六年十月十一日無疾而終

楚師明律時號宗主者何律有三宗臘制宣是人有人法禁戒威儀是也天有天法光潔靜慮是也要不過戒也定也慧也此三爲路出其生死之鄉專一爲門通其涅槃之城若乃資乎急用在乎毗尼防閑三業三業皆淨六塵自祛聖賢踐修何莫由斯自此而推從言索理則毗尼也本又也因則聲教律焉制別解脫焉直以時論三世諸佛咸同制也橫之界說十方淨刹悉共行之所以優波離過去七佛咸以戒律囑累之

清高僧傳

卷二

卷四

釋心道眉州徐氏子也年三十得度詣成都習唯識自以爲至同舍僧詰之曰三界惟心萬法唯識今日前萬象樞然心識安在道茫然遂出關周流江淮旣抵舒州太平聞佛鑑夜參舉趙州柏樹子話至覺鐵嘴云先師無此語莫謗先師好因大疑提撕旣久一旦豁然卽趨丈室擬叙所悟鑑見便閉卻門道曰和尚莫瞞某甲鑑曰十方無壁落何不入門來道卽拳破窓紙佛鑑卽開門擋住云道道卽以兩手捧鑑頭作口啐而出呈偈曰趙州有個柏樹話禪客相傳徧天下多是摘葉與尋枝不能直下根源會覺公說道無此語正是惡言當面罵禪人若具通方眼好向此中辨真假鑑然之宋宣和改元詔改僧爲德士因開法天寧上堂曰祖意西來事今朝特地新昔爲比丘相今作老君形鶴筆披銀褐頭包蕉葉巾林泉無事客兩度受君恩所以道欲識佛性義當觀時節因緣且道卽今是甚麼時節毘盧遮那頂戴寶冠爲顯真中有俗文殊老叟身披鶴氅且要俯順時宜一人旣爾衆人亦然大家成立叢林喜得羣仙聚會共酌迷仙酌同唱步虛詞或看靈寶度人經或說長

生不死藥琴彈月下指端發太古之音碁布軒前妙著
出神機之外進一步便到大羅天上退一步卻入九幽
城中秋如不進不退一句又作麼生道直饒羽化三清
路終是輪迴一勾身二年九月詔下復僧上堂曰不掛
田衣著羽衣老君形相頗相宜一年半內閒思想太抵
興衰各有時我佛如來預識法之有難較量年代正在
于茲魔得其便惑亂正宗僧改俗形佛更名字妄生邪
解刪削經文鏡鉉停音鉢孟添足多般矯詐賴我聖明
不忘付囑不廢其教特賜宸章仍許僧尼重新披剃寔

謂寒灰再燄枯木重榮迷仙酣變爲井露瓊漿步虛詞
翻作還鄉曲子放下銀木簡拈起尼師壇昨朝稽首今
日和南祇改舊時相不改舊時人敢問大眾舊時人是
一箇是兩箇良久曰秋風也解嫌狼藉吹盡當年道教
灰建炎三年春示衆舉臨濟入滅囑三聖因緣道曰正
法眼藏暗驢滅臨濟何嘗有此說今古時人皆妄傳不信
但看後三月至閏三月有賊叛衆請師南奔道曰學
道所以生死何避之有賊至道曰速殺我以快汝心
賊卽舉槊殘之白乳上出賊駭引席覆之而去

釋鼎需號懶庵姓林幼業儒舉進士蒞政有聲年二十五因閱遺教經忽省曰幾爲儒冠誤也卽欲舍俗母氏難以親迎在期需笑絕之曰夭桃紅杏一時分付春風翠竹黃花此去永爲道侶遂依保壽樂公爲大僧徧衆名宿埽里結庵菴峯嘗以卽心卽佛話問學者時妙喜庵于洋嶼晦庵光在侍特以書招之曰此間庵主手段與諸方別可來少欵如何需不答光以計邀至值妙喜爲衆入室需欲隨喜而已妙喜因舉僧問馬祖如何是佛祖云卽心是佛你作麼生需下語喜訴曰汝見解如

此敢妄爲人師耶。乃鳴鼓訐其爲邪解。需淚交頤。不敢仰視。自默計曰。我旣爲所排。西來不傳之旨。豈止此耶。遂求入弟子之列。一日妙喜問曰。內不放出外。不放入正恁麼時。如何需擬開口。喜拈竹箆。劈脊連打三下。剗大悟。厲聲曰。和尚已多了也。喜又打一下。需禮拜。喜笑曰。今日方知吾不汝欺也。印以偈曰。頂門豎亞摩醯眼。肘後斜懸奪命符。瞎卻眼。卸卻符。趙州東壁掛葫蘆。自此名喧叢席。道被遐方。後開堂。稱具眼宗匠。

山叅大安安曰汝號甚麼師曰無念安曰那箇是無念
師茫然回山對友說數年行腳事友曰何不問你自己
師曰如何是自己曰拿物非手喫飯非口一夕聞哭笑
二聲相觸有省入龍湖同卓吾居士到駟馬山有講主
至士問清淨本然云何忽生山河大地主講罷士對師
曰試說看師凝對士將師膝上一推曰者箇聲師豁然
偈曰四十餘年不住功窮來窮去轉無踪而今窮到無

釋無明慧經崇仁裴氏子初產難祖父誦金剛經得娩故名九歲入鄉校便問浩然之氣是箇甚麼授書師異之及長讀金剛經恍若舊習卽依廩山忠出家久而辭去禁足峨峰因閱傳燈見僧問興善如何是道善曰大好山疑滯莫決一日力推巨石豁然大悟迷偈曰欲參無上菩提道急急疏通大好山知道始知山不好翻身跳出祖師關趨呈廩山山印爲法器自是剃染納具勞形苦骨影不出山者二十四載萬曆甲午住寶方有僧

問師住此山曾見何人。師曰總未行腳。僧曰豈以一隅而小天下乎。師善其言。遂荷錫遠遊。法門老宿無不推崇頃入五臺。叅瑞峰問趙州。師乞頌。峰曰知是般事。便休。師作禮呈頌曰暗藏春色明露秋光。有眼莫鑑。縱智難量。到家不上長安路。一任風花雪月揚。峰深賞。師語妙叶洞宗。而師亦以紹續洞宗。自任未幾。返錫寶方晚。主董巖壽昌二刹。上堂云。雲弗依山。山弗雲。心無染境。境無心。雲山清淨如心境。一道虛明爍太清。然雖如是。抽筋不動皮。換骨不見血。筋骨一齊空。遊行不倒趺。達

磨大士解滅而不解生。釋迦老人解生而不解滅。要知生滅不相干。除是當年乾屎橛。萬曆丁巳冬。師自田中歸。語大眾曰。吾從茲不復砌石矣。衆愕然。明春三日。示微恙。至十七日。作舉火偈。命侍者唱偈。復書曰。今日分明指示。擲筆端坐而化。閻維頂骨諸牙。不壞藏於本寺。建窣堵波。

明則不無。且道以何爲驗。乃卓柱杖云。佛子住此地。則是佛受用。常在其中。經行及坐臥。若論此事。如海濱人家。取魚相似。只因知得大海有魚。思欲取之。乃生人計較。造個船隻。扯个風蓬。把定舵柄。請個熟海路的人。爲了船師。直至大洋去處。待等魚來。一網撒去。大魚小魚。滿載而歸。到家市賣。養育子孫。受用不盡。衆學人亦如是。先要知凡夫身中。決定有佛祖廣大靈明的大事。如海有魚。不生疑惑。不肯自昧。卽思參禪。急圖發明。如取海魚。生計較。放捨世緣。打起精進。千里萬里。覓訪知

識親近善友。求指路頭。切切提持。如依船師指導。忽于
自己身中。悟得佛祖的大事。歸家保養。入廡垂手。興隆
法門。上可以報佛恩德。下可以啟廸將來。受用亦無有
盡。雖然如是。大海中。豈無風浪。豈無驚險。然而不生恐
怖。一徃直前者。蓋取魚的念頭切也。參禪何不如是要
圖發明佛祖大事也。須不顧危亾。不論境緣順逆。千魔
萬難。直往不退。不愁佛法不到手也。佛法雖是現成事。
若不如取魚猛勵。怎得到手。故參學人。須檢點自己。向
來參究。能如取魚一樣急切否。能一徃直前無退轉否。

在叢林中遇些小境緣能不驚怖。不介意否。若或未能畢竟。參禪念頭不如取魚念頭切佛祖大事。佞性打徹。所以古人云。把手牽人行不得。惟人自肯乃方親。又云。如來於一切處成等正覺。於刀山劍樹上成等正覺。於鑊湯爐炭裏成等正覺。於棒下成等正覺。於喝下成等正覺。是真語者。實語者。不誑語者。不異語者。只今還有恁麼人。證明如是事麼。良久云。遇佛若無。如是眼假饒千載。又奚爲。

釋如學號五峯陝西人。律身嚴謹。遇事精勤。一夕與天童詰次。童蓦伸脚曰。你作麼生。師以脚踢之。童笑曰。未在未在。師曰。和尚道看。童倒臥。師曰。也只是困。童曰。你又與麼去也。師禮拜。一日辭行。童握拂曰。喚作拂子。則觸不喚作拂子。則背不得拈起。不得不放下。不得不語。不得無語。不得錯舉。若不錯舉。卽分付汝。師連跳兩跳曰。不要不要。童曰。猶是亂斗亂跳。更試舉看。師轉身曰。某甲去也。童乃付。

釋法藏號漢月。梁谿蘓氏子。十九圓頂於德慶庵。廿九

歲讀高峯語錄有疑。歷十餘秋。聞折竹聲。忽然大徹。天啟。甲子春。天童悟。唱道。金粟師往來焉。值童上堂。舉僧問古德云。勗月當空時如何。德曰。猶是堦下漢。僧曰。請師接上堦。德曰。日落後相見。童乃顧。師曰。且道月落後。又如何相見。師便出。童上堂。舉起拄杖。曰。舉一不得舉。二放過。一着落。在第二。擲下拄杖。曰。落去也。且一。又如何舉。便下座。師掣拄杖便行。童歸方丈。師以拄杖呈曰。此是打盡天下人底拄杖。今日還却和尚。童接得便打。曰。先打汝一箇起。師曰。幸得還和尚杓柄。童曰。猶嫌入間。

釋道志。號木陳。潮州林氏子。匡廬薙染。依悟和尚。天童座下。掌記室有年。受請繼席。僧問如何是天童境。師曰。廿里松關行欲盡。青山捧出梵王宮。曰。如何是境中人。師曰。閒移拄杖松根立。箋問客從何處來。曰。向上宗乘事。若何。師曰。看脚下。問如何是諸佛出身處。師曰。你喫粥也未。僧擬議。師曰。諸佛過去久矣。上堂。釋迦老子道。

作是思惟時。十方佛皆現。古德道。纔入思惟。便成乘澣。
且道名字既同。因甚麼有利有害。紅粉易粧。端正女無
錢難做好兒郎。示衆云。有一人三頭八臂。有一人無背
無面。同到天童門下。且道安下那箇即是。一晚入堂大
呌曰。適來欄中不見了牛。普請諸人把火上山尋牛去。
衆愕然。一僧纔出。師便歸方丈。常舉居一切時不起妄
念話。頌曰。草鞋踏遍江南雪。歸看廬山石上雲。却笑閒
身猶未老。尋梅幾度出松門。



80

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8

90

1 2 3 4 5 6 7 8 9

二

十